

# RA ROMANU RÁ CARTA RA APOSTOL NSAN PABLO NÚ'A BI 'YOPABI YA GAMFRI ME NROMA

## *Ra apostol Pablo opabi ya gamfri me Nroma*

<sup>1</sup> Núgui drá Pablo, rá 'bɛgogui ma zi Hmuh<sub>u</sub> ra Jesucristo. Aju<sub>u</sub> ra Dada bi zoncagui pa ga 'ñapostol, ne xa hñuxcagui pa ga mamba rá maça hoga noya'a.

<sup>2</sup> Nuna maça hoga noyana, guehna bi ñagui maya'b<sub>u</sub> Aju<sub>u</sub> ja ra Maça T'ofu nú'a bi 'yofo yá 'mɛhni'a. <sup>3</sup> Y nuna maça hoga noyana xicj<sub>u</sub> de ma zi Hmuh<sub>u</sub> ra Jesucristo nú'a to'o rá T'<sub>u</sub> Aju<sub>u</sub>, ne utcagui<sub>u</sub> gue nú'a ra T'<sub>u</sub>'a, de rá ndo'yo, bá ehe de rá ji ra nda Davi, <sup>4</sup> pe de rá ndahi xá nt'axi bi fadi gue go gue'a rá T'<sub>u</sub> Aju<sub>u</sub>, ngue'a co rá danga ts'edi bi yopa nte de ja ya du. <sup>5</sup> Po rá ngue'a, Aju<sub>u</sub> xa 'racagui ra 'bɛfi dega apostol pa ga m<sub>u</sub>nga ra maça hoga noya gatho ja ya hnini, pa da gamfri'<sub>u</sub> ne da 'yøte Aju<sub>u</sub>. Guehna ra 'bɛfi dí pɛfi pa nuya ja'i da nsundabi rá maça thuhu ma zi Hmuh<sub>u</sub> ra Jesucristo. <sup>6</sup> Hangue nehe nu'ah<sub>u</sub>, Aju<sub>u</sub> xa zohn'a'ih<sub>u</sub> pa gui tɛnh<sub>u</sub> ra Zidada Jesucristo.

<sup>7</sup> Hangue dí op'ah<sub>u</sub> gatho'ih<sub>u</sub> zi cuh<sub>u</sub> guí 'buh<sub>u</sub>b<sub>u</sub> Nroma, nú'ah<sub>u</sub> xi ri ma'ah<sub>u</sub> Aju<sub>u</sub> ne xa zohn'a'ih<sub>u</sub> pa gui nt'axqui<sub>u</sub>. Aju<sub>u</sub> ma Dadah<sub>u</sub> ne ma zi Hmuh<sub>u</sub> ra Jesucristo da jap'a'ih<sub>u</sub> ne da max'ah<sub>u</sub> pa gui 'buh<sub>u</sub> te rá 'ñentho.

*Ra apostol Pablo ne da zønga ya cu me Nroma*

<sup>8</sup> Nuya ya madi noya dí op'ah<sub>u</sub> ja ma carta, dí xi'ah<sub>u</sub> gue dí umba njamadi Aju<sub>a</sub> ma Dadah<sub>u</sub> por gatho'ih<sub>u</sub> de rá thuhu ma zi Hmuh<sub>u</sub> ra Jesucristo, ngue'a haburaza ja ra ximhai hm<sub>a</sub> gue xi xcá camfrih<sub>u</sub> xá hño. <sup>9</sup> Aju<sub>a</sub> dí pɛpabi con gatho ma coraso pa da ntunga nú'a ra maça hoga noya nú'a hab<sub>u</sub> xicj<sub>u</sub> de rá maça T'uh'a, y nu'á go gue'a pađi gue nzantho dí apabi'a por gue'ah<sub>u</sub>. <sup>10</sup> Masque stá tøm<sub>a</sub> ndunthi ya pa pa ga mab<sub>u</sub> ga tsøñ'ah<sub>u</sub>, pe hinstá tsaya ga apa Aju<sub>a</sub> pa da xoga ra gosthi pa da za ga mab<sub>u</sub> 'nitho. Hønsɛ go dí tøm<sub>a</sub> nú'a ra pa da mañ'a Aju<sub>a</sub> pa ga mab<sub>u</sub>. <sup>11</sup> Ngue'a xi dí ne ga mab<sub>u</sub> ga 'bui con gue'ah<sub>u</sub> pa da za ga u't'a'ih<sub>u</sub> ra mfadi nú'a xa 'ñutcagui ra Maça Nda<sub>hi</sub>, pa ma'na da nja ri jamfrih<sub>u</sub>. <sup>12</sup> Y dí ma gue numa jamfrih<sub>u</sub> da 'racj<sub>u</sub> ra ts'ɛdi 'na ngu ma'na. Nuri jamfrih<sub>u</sub> da jaqui ma'na da zɛ ma jamfri, ha numa jamfriga da ja'ah<sub>u</sub> ma'na da zɛ ri jamfrih<sub>u</sub> nehe, ngue'a 'nat'a ma jamfrih<sub>u</sub>.

<sup>13</sup> Ne dí ne gui pađih<sub>u</sub>, ma zi cu'ih<sub>u</sub>, gue ndunthi ya i'qui stá huts'i ga mab<sub>u</sub> ga tsøñ'a'ih<sub>u</sub>, pe tobya hinxa za. Dí ne ga mab<sub>u</sub> pa ga fax'ah<sub>u</sub> ngu stá faxa ma'ra ya cu ja ma'ra ya hnini. <sup>14</sup> Ngue'a xuá 'bɛncagui ga xipa gatho ya ja'i nuna maça hoga t'øde de ra mpøhø, hangue mahyoni gatho ga zofo, ngu nú'uh ña griego ne ngu nú'uh ña ma'ra ya hñaqui, ngu nú'uh ya bamhya ne ngu nú'uh hinte yá fadi. <sup>15</sup> Hangue nú'a ra pa go da ne Aju<sub>a</sub>, nugu xi dí ne ga mab<sub>u</sub> pa ga maŋga ra maça hoga t'øde nehe nub<sub>u</sub> Nroma.

*Rá ts'ɛdi ra maça hoga t'øde*

16 Hindí ntsa pa ga m̄anga ra m̄aca hoga t'øde, ngue'a go gue'a 'nara noya dega ts'edi nú'a xuá p̄ehna Ajuá pa da p̄hø gatho nú'ɥ to'o da gamfri, ra m̄adi ya xodyo, nep̄ɥ gatho nu ma'ra ya ja'i. 17 Nuna m̄aca hoga t'ødená udi gue Ajuá m̄a gue ya hinte ma ts'oqui tu nú'ɥ to'o camfri, y nu'ú 'b̄ui xá hño co Ajuá h̄onse po yá jamfri. M̄a njab̄ɥ nehe ra Ndaxjua T'ofó hab̄ɥ ena: “Nu'a tó'o xa gamfri, ya hinte ma ts'oqui tu, nú'á p̄e'tsa 'nara 'ra'yo te.”

### *Yá thai tu ya meximhai*

18 Ajuá utuabi ya meximhai tengu rá ndangui rá cue'a, ne brí nhyoqui'a pa dua p̄ehna ra castigo de mahets'i pa da z̄adi nú'ɥ ya ts'o'yøde hingui ne da 'yøt'e xá hño. Ajuá ri ncue ngue'a nuya ja'i masque p̄adi gue 'b̄ui Ajuá ne p̄adi te rí 'ñepi da 'yøt'e'ɥ, pe hingui øt'e, nu'ú ri sigui co yá 'ñaqu'equ'ei ne yá ts'oqui. 19 Gatho nú'a te da za da f̄adi de Ajuá, nu'ú xa t'utuabi xá hño, y nu Ajuá go gues̄ɥ xa 'ñutuabi'ɥ. 20 Desde nú'b̄ɥ Ajuá bi hyoca ra ximhai, desde gue'b̄ɥ, Ajuá bi 'ñutuabi'ɥ tengu rá 'm̄ui'a. Gatho nú'ɥ ya t'øt'e ri hnequi, gue'ɥ utuabi ya ja'i tengu rá 'm̄ui Ajuá nú'a hini hnequi, y njab̄ɥ ri hnequi gue Ajuá 'b̄ui ne ja rá ts'edi pa nzantho. Hangue ya ja'i hingui tsa te da d̄adi de nú'a te xa 'yøt'e'ɥ. 21 Nu'ú, masque bi b̄adi Ajuá, pe himbi ne bi nsunda'ɥ ngu rí 'ñepi, nixi bi umba njam̄adi de gatho ya hño xa hñani'ɥ. Nu'a bi 'yøt'e, bi ts'oca yá mfeni ne bi megui yá coraso pa himbi za bi b̄adi nda'a ra hño nda'a ra 'ñɥ. 22 Masque mi eñ'ɥ gue xi myá bamhya, pe hinte myá f̄adi. 23 Hangue bi zogui nú'a ra s̄ocambeni mi 'ñepi da umbabi Ajuá nú'a xá nsunda ne p̄e'tsa ra te nzantho, pa go bi

xocambeni ya c'oi nú'ɥ xa thoqui ngu yá 'bai ya ja'i nú'ɥ pɛ'tsi da du, nehe ya c'oi nú'ɥ xa thoqui ngu rá 'bai 'nara ts'int's'ɥ, ne nú'ɥ ngu rá 'bai 'nara mbo'ni, ne nú'ɥ ya c'oi dega qu'eña.

<sup>24</sup> Hangue Ajuá bi hyetho ya meximhai pa bi 'yøt'a gatho nuya ts'onc'at'i mi beni ja yá mfeni, y njabɥ bi 'betua sɛhɛ yá tsa yá ndo'yo'ɥ. <sup>25</sup> Ngue'a nuya meximhai'ɥ bi zogui nú'a Ajuá majuani pa go bi dena nú'ɥ t'embabi gue go gue'ɥ Ajuá; y nuya ja'i'ɥ go bi nsunda nuya t'øt'e nú'ɥ xa hyoca Ajuá, hingo bi nsunda Ajuá to'o bi hyoca gatho, ne xá nsunda rá thuhu'a pa nzantho.

<sup>26</sup> Hangue Ajuá bi hyetho'ɥ pa bi 'ño ja yá hne dega 'betsa, asta ya 'behña bi hñuxui yá mi'behñai hingo hønse co ya 'ñøhø ngu nú'a xqui manda Ajuá. <sup>27</sup> Nehe ya 'ñøhø bi mɛ'tsa 'nara ts'onc'at'i pa da hñuxui yá mi'ñøhøui hingo hønse co ya 'behña, y njabɥ 'ñøhø co 'ñøhø bi 'yøt'a ra t'øt'e xi xá nts'o. Hangue ja guesɛ'ɥ bi hñani nú'a mi 'ñepi da hñani'ɥ por yá ts'ot'øt'e.

<sup>28</sup> Nehe nguetho himbi ho da beni'ɥ de Ajuá, hangue nu Ajuá bi hyetho'ɥ pa bi beni ya mfeni xá nts'o ne pa bi 'yøt'e nú'a himri 'ñepi'ɥ, <sup>29</sup> ne bi 'yøt'e'ɥ ya t'øt'e hingu ho, ne bi mɛ'tsa ndunthi ya ts'onc'at'i ne ya ts'omfeni. Myá nduste, myá hyote, myá 'yøt'atuhni, myá hyate, myá ts'o'mai, myá nønte, <sup>30</sup> mi jɥ'tsua ya nc'uamba ma'ra, mi ɛtsa Ajuá, myá 'ñaqu'equ'eí, mri 'ñexa sɛhɛ, mi beni hanja da za da 'yøt'a ya t'øt'e xá nts'o, myá ts'o'yøde co yá dada yá naná. <sup>31</sup> Bi ts'oca yá mfeni hangue himi paði nda'a ra hño nda'a ra 'ñɥ, ne himbi cumpli yá noya. Ne himbi mɛ'tsa ra hmate

co yá ja'i, ne himbi mɛ'tsa ra huecate. <sup>32</sup> Nehe nubya njabɔ, masque p̄adi ya ja'i nú'a te xa ma Ajuá, gue nu'ɔ tó'o øt'a nuya t'øt'e'ɔ rí 'ñepi da du, pe masque p̄adi njabɔ, pe nu'á øt'e nuya ya ts'ot'øt'e, y hingue hɔnse øt'e, nehe ri johyauí nú'ɔ ma'ra to'o handi'ɔ øt'a njabɔ nehe.

## 2

*Ajuá ma da hñá'mba nguenda yá ts'oqui ya ja'i co ra hoga ts'utbi*

<sup>1</sup> Hangué dá ngu'a dá ngu, otho te grí ncõni nú'i guí 'yø de nú'a te øt'a ma'ra, ngu'e'a nú'a ra ora guí 'yø de nú'a te øt'a ma'ra, nu'í guí ncondena sehe, ngu'e'a guí øt'a nehe ngu øt'a nú'ɔ ma'ra. <sup>2</sup> Dí p̄adihɔ gue Ajuá ma da hñá'mba nguenda co ra hoga ts'utbi nú'ɔ to'o øt'a ya ts'oqui. <sup>3</sup> Hangué 'bɔ nú'i guí 'yø de ma'ra ne guí øt'a nehe ngu øt'e'ɔ, oguí beni gue ma gui mpont'ui rá cue Ajuá nú'a ra pa da hñap'a nguenda. <sup>4</sup> Oxqui beni gue ngu'e'a Ajuá xi ra hoja'i con gue'i ne xa ze't'a ri nts'o'mai ne astabya hinxa castiga'i, gue nu'i da za gui sigui gui 'yøt'a ya ts'oqui. P̄adi gue Ajuá ra hoja'i con gue'i pa gui ñobri. <sup>5</sup> Pe nu'í hinguí ne, ngu'e'a xi rá me ri coraso ne hinguí øde ne hinguí ñobri, hangué ma'na ma da castiga'i nú'a ra pa da hnequi rá cue Ajuá pa da 'yøt'a rá hoga ts'utbi'a. <sup>6</sup> Y nu'á ma da umbabi nú'a rí 'ñepabi cada 'na ngu nú'a xa mɛfi. <sup>7</sup> Nu'á ma da umba ra te pa nzantho nú'ɔ to'o xa hyomba rá nsunda ne xa hyoni pa Ajuá da 'ñe'tsua yá nsu ne xa hyonga ra te pa nzantho, ne hinxa zabi xa 'yøt'a ya hoga 'bɛfi. <sup>8</sup> Pe pa ya ts'o'yøde nú'ɔ 'mɛt'o go øt'a nú'a hinguí ho, ne hingo ne da 'yøt'a

nú'a xá hño, Ajuá ma da umbabi'ᵘ 'nara castigo con gathó rá cue. <sup>9</sup> Ma da nja ya danga ᵘgui ne ya dumᵘi pa gathó nú'ᵘ ya ja'i øt'a ya ts'oqui, rá mᵘdi pa ya xodyo, nepᵘ pa gathó ma'ra ya ja'i. <sup>10</sup> Pe Ajuá ma da cu'ta ja rá nsunda gathó nú'ᵘ to'o xa mᵘfi ya hoga 'bᵘfi. Nehe ma da 'ñe'tsua yá nsu ne da umba ra hoga'mᵘi, rá mᵘdi pa ya xodyo, nepᵘ pa gathó ma'ra ya ja'i.

<sup>11</sup> Ngue'a Ajuá hinda ma da huahnitho ya ja'i nura ora da hñá'mba nguenda'ᵘ. <sup>12</sup> Ajuá ma da hñá'mba nguenda gathó ya ja'i mahyᵘgui, ngue'a gathó nú'ᵘ to'o xa 'yøt'a ya ts'oqui masque hinxa batua rá ley ra Moise, nu'ú ma dra thá'mba nguenda ne dra castiga nsinque da the'ta ra ley; ha gathó nú'ᵘ bi badi ra ley ne himbi 'yøt'a nú'a mā, nu'ú ma da thá'mba nguenda ngu nú'a mąnga nú'a ra ley'a. <sup>13</sup> Ngue'a hingue nú'ᵘ xa 'yødetho rá ley ra Moise gue go gue'ᵘ 'bᵘi xá hño co Ajuá, hina, pe nú'ᵘ to'o øte ra ley hā, go gue'ᵘ ma da hma gue hinte ma ts'oqui tu. <sup>14</sup> Ne nú'a ra ora nuya ja'i hingyá xodyo øt'a sehe'ᵘ nú'a xá hño ngu nú'a mąnga rá ley ra Moise, njabᵘ ri hnequi gue pe'tsa sehe 'nayá ley, masque hinxa badi rá ley ra Moise. <sup>15</sup> Ja gue'ᵘ ri hnequini 'nara ley ngu xa nt'ofó ja yá coraso. Nehe nu'ú pe'tsa 'nayá ts'edisᵘ pa da badi ua xá hño nú'a øt'e'ᵘ ua hina; nehe yá mfeni xipabi gue hingui ho nú'a øt'e, o ja ra ora xipabi gue xa 'yøt'a xá hño. <sup>16</sup> Nehe ma da njabᵘ nú'a ra pa'a sta 'yøt'a ra nsuca uenda Ajuá ngu nú'a gra 'mᵘi yá mfeni ya ja'i, masque nú'a xqui beni mant'agui'ᵘ. Ne nú'a to'o ma da hñá nguenda go ma Zidadahᵘ ra Jesucristo. Njabᵘ udi ra maça hoga noya nú'a

xa 'bencagui ga ma.

*Ya xodyo ne ra ley nú'a bi 'yofu ra Moise*

<sup>17</sup> Nu'i xodyo, guí beni gue ja ri nsu ngue'a grá xodyo, ne guí camfri gue guí 'bui xá hño ngue'a guí pɛ'tsua rá ley ra Moise, ne grí 'ñets'i ngue'a guí nsunda nú'a ra Ajuá majuani, <sup>18</sup> ne guí patua rá paha'a, ne guí pađi gui huahna nú'a xá hño ngue'a njabu u't'a'i ra ley. <sup>19</sup> Ne nu'i guí camfri gue da za gui cuhna ma'ra ya ja'i ja ra uenda ya goda, y guí ngu 'nara ñot'i pa nú'u 'bui ja ra 'bexuui. <sup>20</sup> Y guí camfri gue da za gui utui ma'ra ya ja'i nú'u 'ñena ya t'ubatsitho hinte yá fađi, ngue'a nú'a ra ley guí pɛ'tsi ja xcá tsuhni ra hoga mfađi ne nú'a majuani. <sup>21</sup> Nú'i guí utui ma'ra, ¿hanja hingo guí øt'e nehe nú'a guí udi? Y nú'i guí ma gue hinda mpe 'na, ¿ha gue nu'i hinguí mpe? <sup>22</sup> Nú'i guí ma gue hinguí tsa da ts'inga 'nara medinthati, ¿ha gue nu'i hinguí øt'a njabu? Nú'i guí utsa ya c'oi, pe ¿ha gue hinguí mpe ja yá nija'u? <sup>23</sup> Nú'i grí 'ñets'i ngue'a guí pɛ'tsua rá ley ra Moise, ¿ha gue hinguí 'betua rá tsa Ajuá ngue'a hinguí øt'a nú'a manga nú'a ra ley'a? <sup>24</sup> Hangue ja ra Maça T'ofu 'nará 'mehni Ajuá bi xipa ya xodyo ne bi 'ñembi: “Ya ja'i nú'u hingyá xodyo ñama'ñu de Ajuá po rá ngue'ahu.”

<sup>25</sup> Nubyá nura circuncisio go gue'a ngu 'nara seña nú'a xa thuts'i ja ri ndo'yohu ne go gue'a ra nt'udi de ra cohi nú'a bi gohi Ajuá condu ri dadahu ra Abrá. Nú'a ra seña'a da max'ahu ndunthi 'bu gui 'yøthu nú'a manga ra ley. Pe nu'bu hinguí øthu ngu manga ra ley, nu'bú ra nt'udi de ra cohi ja ra uenda hinga ra nt'udi. <sup>26</sup> Nehe nu'bu nú'u

ya ja'i hingyá xodyo nú'ᵤ to'o hingui pe'tsa nuna seña, nu'bᵤ nú'ᵤ pefi ya hoga 'bēfi ngu nú'ᵤ m̄anga ra ley, nu'bá nehe'ᵤ Ajuá ma da hyandi gue ja ra uenda pe'tsa nú'á ra seña de ra cohi. <sup>27</sup> Ne njabᵤ nú'á to'o hingrá xodyo, ma da 'ñudi gue nu'i grá 'yøt'ats'oqui, ngue'á nu'á desde bi 'm̄ai xa gohi rá ndo'yo ngu bi hyoca Ajuá nsi ra seña pe xa 'yøt'a ya hoga 'bēfi ngu nú'ᵤ m̄anga ra ley, ha nu'i guí pe'tsa ra seña de ra cohi ne guí pe'tsa rá ley Ajuá nt'ofó, pe hinguí øte nura ley'á. <sup>28</sup> Hangué ra xodyo xi majuañi hingo nú'á de rá 'baitho, ne ra seña xi majuañi hingo nú'á hnequi de thi ja rá ndo'yo. <sup>29</sup> Pe nu'á xi majuañi ra xodyo, gue'á nú'á to'o øta Ajuá ja rá coraso, ha nu'á ra seña xi majuañi, gue'á nú'á ja mbo ja rá coraso 'na, nú'á ra seña xa 'yøt'a Ajuá ja rá te 'na, hingue nú'á t'øt'e ja rá ndo'yo ngu xa nt'ofó ja ra ley. Y nú'ᵤ to'o xi majuañi ya xodyo ngue'á øta Ajuá ja yá coraso, go gue'ᵤ ma da 'ñe'tsua yá nsu Ajuá, hingo ya ja'i.

### 3

<sup>1</sup> Nu'bá, ¿te ma'na ra mfats'i pe'tsa ra xodyo? O ¿te ma mfats'i hañi de ja ra seña de ra cohi?  
<sup>2</sup> Ndunthi ya mfats'i pe'tsa ya xodyo nú'á hingui pe'tsa nú'ᵤ ma'ra ya ja'i. 'Na de nuya mfats'i'ᵤ gue'á gue Ajuá bi umba rá noya'á pa go bi su'ᵤ.  
<sup>3</sup> 'Ra de gue'ᵤ himbi gamfri nú'á bi ñá'tuabi'ᵤ Ajuá, pe nu'á hingui ne da 'ñena gue Ajuá hinda ma da cumpli nú'á xa ñágui. <sup>4</sup> Hanja hina, nu'á ma da cumpli nú'á xa ñágui. Ajuá hinga ma ga ec'uambahᵤ, ma'na xá hño ga beñᵤ gue gatho ya ja'i go ya c'uamba y hingo Ajuá. Ngu m̄anga ja ra Maça T'ofó habᵤ sipa Ajuá njaua ne ena:



Ma da faḍi gue go gue'i guí m̄anga majuani,  
y ma gui ntate nú'a ra pa da 'ñec'uamba'i ya ja'i.

<sup>5</sup> 'Nara ja'i tsa da 'ñena njaua: “Nu'b<sub>u</sub> ma ts'oquih<sub>u</sub> japi da hnequi tengu rá hoga'm̄ui Ajuá, nu'bú ¿ha gue ra hoga ts'utbi da castigaguih<sub>u</sub>?” Njab<sub>u</sub> m̄anga nú'ḥ ma'ra ya ja'i, hingo dí m̄angá.

<sup>6</sup> Hina, nujú hinda za ga beñh<sub>u</sub> ngu beñ'ḥ. Ngue'a nu'b<sub>u</sub> di njab<sub>u</sub> ngu nú'a mañ'ḥ, nu'bú ¿hanja da za da 'yøt'a ra ts'utbi'a co ra ximhai?

<sup>7</sup> 'Nara ja'i tsa da 'ñena njaua: “Nu'b<sub>u</sub> por 'nara nc'uamba ga m̄a ga japi da hnequi rá nsunda Ajuá ngue'a ja ri hnečni gue Ajuá cumpli rá noya, nu'bú ¿ha gue rí 'ñepabi da castigagui?” <sup>8</sup> Ne asta da za da 'ñena 'nara ja'i gue 'na da za da 'yøt'a nú'a xá nts'o pa da nja ra hño. 'Ra xa ḡscagui ra nc'uamba y 'bai mañ'ḥ gue guehna dí udi. Nuya ja'i'ḥ rí 'ñepabi da secuabi 'nara castigo.

### *Gathoguih<sub>u</sub> dí tuh<sub>u</sub> ya thai*

<sup>9</sup> Hangue ¿te ga beñh<sub>u</sub>? ¿Ha gue ga beñh<sub>u</sub> gue núj<sub>u</sub> dyá xodyoh<sub>u</sub> ma'na dí 'b<sub>u</sub>h<sub>u</sub> xá hño que ma'ra ya ja'i? Hina, hingui tsa; ngue'a ya stá m̄a gue gathoguih<sub>u</sub>, ngu ya xodyo ngu nú'ḥ hingyá xodyo, gathoguih<sub>u</sub> dí oh<sub>u</sub> ja rá 'yε ra ts'oqui. <sup>10</sup> Hangue ra M̄aca T'ofò engá njaua:

Jo'o ni 'na nú'a hindi tu ya ts'oqui. H̄ah̄a, jo'o ni 'na.

<sup>11</sup> Jo'o ni 'nara ja'i nú'a strá nt'axi rá mfeni, ne jo'o ni 'na to'o di honi Ajuá.

<sup>12</sup> Gatho'ḥ ya ts'o'yøde, gatho'ḥ xa nts'oqui.

Ni 'na hingui øt'a xá hño, h̄ah̄a ni 'na.

<sup>13</sup> Yá ne'ḥ xá nts'o, nja ngu 'nara nt'agui xots'i; ne nz̄antho hate'ḥ.

Nehe xá nts'uni yá ne, nja ngu rá ne ra qu'eñā nú'a hote.

14 Pøni ya ts'one de yá ne, ne ya noya dega cue.

15 Co 'na tui nu'ú da ma hnest'ihí pa da hyo yá miqu'eiui.

16 Haburaza 'yo'ü øt'a ya nhuati ne tsogui ya ügui,

17 y hinxa badi'ü hanja da 'müi'ü te rá 'ñenho.

18 Y nu'ú ni ts'ü hingui tsupabi rá cue Ajuā.

19 Nubyá dí padihü gue nú'a manga ja rá ley ra Moise, mā pa nú'ü to'lo 'bü ja nú'a ra ley'a pa da me'tsa yá tsa y da go'ta yá ne, pa njabü nu'ú ne gatho ma'ra ya ja'i de ra ximhai da dø'ma nú'a ra castigo ma da hñani de Ajuā. 20 Ngue'a ni 'nara ja'i hinxa 'yøt'e gatho nú'a manda ja ra ley. Hangue engā ja ra Maça T'ofō gue Ajuā hinda ma da mā gue ni 'nara ja'i hingui tu ra ts'oqui, masque da 'müi 'ra da 'ñena gue xa 'yøt'a ngu nú'a manga ra ley. Ngue'a nu'araza ra ley xo'tsuabi yá ts'oqui ya ja'i.

### *Ra mpøhø bí ehe po ra jamfri*

21 Pe nubya Ajuā xa 'ñudi 'nara hño pa ra meximhai, y nura hño'a, nú'a hanja grā 'bühü xá hño ja rá thandi'a. Pe nura hño'a hingui pe'tsi te da nu ni co ni 'nara ley, masque ja dí māhmā ja rá ley ra Moise ne ja nú'a bi 'yofo ma'ra yá 'mehni Ajuā. 22 Nuna dangā hñonā mā gue nu'a tó'lo camfri ra Zidada Jesucristo ya 'büi xá hño ja rá thandi Ajuā. Y nuna hñonā ja pa gatho nuto da gamfri'a, ngue'a gatho ya ja'i mahyεgui, gue dra xodyo gue hindra xodyo. 23 Y gathoguihü dyá 'yøt'ats'oquihü, ne ni 'na de guεjü hingui tsa ga 'yohü xá hño ngu ri ho Ajuā. 24 Pe nu'á xi ra hoja'i, hangue

ma de rá pahase gue ya hinte ma ts'oqui dí tuh<sub>u</sub> ngue'a dí camfri<sub>u</sub> ra Zidada Jesucristo. Aju<sub>u</sub> tsa da ma njab<sub>u</sub> ngue'a ra Zidada Jesucristo ya bi gutca ma thai<sub>u</sub>. <sup>25</sup> Aju<sub>u</sub> bá pehna ra Zidada Jesucristo pa bi du ja ra pont'i ngu 'nara hñ<sub>a</sub>'ti, pa bi hñ<sub>a</sub>ga ma ts'oqui<sub>u</sub> po rá maça ji bi mani, pa njab<sub>u</sub> nu'a tó'o da gamfri'a ya hinda ma da z<sub>u</sub>tua rá cue Aju<sub>u</sub>. Njab<sub>u</sub> bi 'yøt'a Aju<sub>u</sub> pa bi 'ñudi rá hoga ts'utbi, masque himi hnequih<sub>ma</sub> ngue'a po rá maça pasencia hinxqui castiga ya ja'i nuya pa xqui thogui. <sup>26</sup> Ha nubyá, po rá du rá T'<sub>u</sub>, Aju<sub>u</sub> bi 'ñudi rá hoga ts'utbi, ne nu'á ma gue ya hinte ma ts'oqui tu nú'<sub>u</sub> to'o camfri ra Zidada Jesu.

<sup>27</sup> Hangue nubyá hinguí tsa to da 'ñets'i. 'B<sub>u</sub> xa za 'na xa me ya hoga 'b<sub>e</sub>fi ngu nú'<sub>u</sub> manga rá ley ra Moise pa xa mpøhøhma<sub>u</sub>, nu'bá xa zah<sub>ma</sub> xa 'ñets'i. Pe nuto ya hinte ma ts'oqui tu ngue'a xa gamfri ra Zidada Jesucristo, nu'á hinguí tsa da 'ñets'i. <sup>28</sup> Ngue'a dí pah<sub>u</sub> xá hño gue Aju<sub>u</sub> ma gue ya hinte ma ts'oqui tu nú'a to'o camfri ra Zidada Jesu nsinque te da nu co ya 'b<sub>e</sub>fi de ra ley.

<sup>29</sup> ¿Xi ha gue Aju<sub>u</sub> go ra Aju<sub>u</sub> nsøctho pa ya xodyo? ¿Ha hingrá Aju<sub>u</sub> nehe pa nuya ja'i hingyá xodyo? Haha, go gue'a ra Aju<sub>u</sub> nehe pa gue'<sub>u</sub>. <sup>30</sup> Ngue'a 'nat'a Aju<sub>u</sub> 'b<sub>u</sub>i, y nú'á ma gue ya hinte ma ts'oqui tu ya xodyo nú'<sub>u</sub> pe'tsa ra seña de ra cohi ja yá ndo'yo nú'b<sub>u</sub> camfri ra Zidada Jesucristo. Nehe go guet'a Aju<sub>u</sub> ma gue nehe nú'<sub>u</sub> hinguí pe'tsa ra seña ja yá ndo'yo ya hinte tu nú'b<sub>u</sub> camfri'<sub>u</sub> ra Zidada Jesucristo. <sup>31</sup> ¿Ha gue dí puth<sub>u</sub> rá ley ra Moise ngue'a dí udih<sub>u</sub> ra jamfri de ra Zidada Jesucristo? Hina, hinda za da feni njab<sub>u</sub>,

ngue'a nujá ma'na dí umfá rá ts'edi nura ley'a.

## 4

*Ra Abrá himbi mpøhø po nuya hoga 'befi bi 'yøt'e*

<sup>1</sup> Xi ra Abrá nú'a ma mædi dadahæ nújæ dyá xodyohæ, ¿te rá 'be da za ga beñhæ 'bæ de gue'a?

<sup>2</sup> Nu'bæ Ajuá xa mähmä gue ra Abrá ya hinte ma ts'oqui mi tu por yá hoga 'befi mi øt'e, nu'bá nu'á xa zahmä xa 'ñets'i. Pe hina, himbi za bi 'ñets'i ja

rá thandi Ajuá. <sup>3</sup> Ngue'a ra Mæca T'ofø engæ njaua:

“Ra Abrá bi gamfri gue mi ma da hñani nú'a bi

ñá'tuabi Ajuá, hangue Ajuá bi mä gue ra Abrá ya

hinte ma ts'oqui mi tu.” <sup>4</sup> Nu'bæ 'nara ja'i øt'a 'nara

'befi, nurá thahá da t'umbi hingui t'umtho co ra

hñoja'i; t'umbabi ngue'a xa mpæfi ne thupi. <sup>5</sup> Pe

nura ja'i to'o camfri Ajuá ne camfri gue hingue po

yá hoga 'befi da za da mä Ajuá gue ya hinte ma

ts'oqui tu, nura ja'i'a, Ajuá da mä gue ya hinte tu

ngue'a bi gamfri'a. <sup>6</sup> Nehe ra Davi xicjæ gue Ajuá

mänga nuna noyaná dega japi. Nu'á ena gue Ajuá

mæ gue 'nara ja'i ya hinte ma ts'oqui tu nsingue

da 'yæ'tua nguenda de yá 'befi. <sup>7</sup> Ra Davi bi 'yøfo

njaua:

Njapi ndunthi nú'a to'o xra pumba yá ts'oqui.

<sup>8</sup> Hahá, njapi ndunthi nú'a hingui mä Ajuá te xa

'yøt'e.

<sup>9</sup> Xi nuna ra noya dega japi mænga Ajuá, ¿ha gue

mæ pa gatho ya ja'i, o hønse pa nú'æ pe'tsa ra seña de

ra cohi bi gohi Ajuá co ya xodyo? Hina, nu'á mä pa

gatho. Dí pädihæ gue Ajuá bi mä gue ya hinte ma

ts'oqui mi tu ra Abrá ngue'a bi gamfri'a. <sup>10</sup> ¿Ha gue

ra Abrá mi pe'tsa ra seña ja rá ndo'yo nura ora'a o

hina? Hina, himi pe'tsta nú'a ra seña'a, mi 'butho njab<sub>u</sub>. <sup>11</sup> Nura seña de ra cohi bi thu'tsua ja rá ndo'yo pe asta 'mefa; y nura seña'a gue'a ngu 'nara seyo bi hñu'tsuabi Ajuá pa da fadi gue ri muui nú'a xqui mañ'a gue ra Abrá hinte ma ts'oqui mi tu ngue'a bi gamfri. Ajuá bi mā gue ra Abrá ya hinte mi tu ante da thu'tsuabi nura seña, y njab<sub>u</sub> ra Abrá bi ndada de gatho nú'u to'o camfri masque nu'ú hinxa mē'tsa nú'a ra seña, pa njab<sub>u</sub> nehe'u Ajuá bi mā gue ya hinte tu'u. <sup>12</sup> Nehe ra Abrá bi ndada de ya ja'i to'o pe'tsa ra seña de ra cohi ne camfri, nú'u to'o hingue hønse pe'tsa ra seña pe nehe tenba rá jamfri ma dadah<sub>u</sub> ra Abrá nú'a to'o bi gamfri ante da thu'tsua ra seña.

*Nuj<sub>u</sub> ga hañh<sub>u</sub> ra hñ'a'ti nú'b<sub>u</sub> ga camfrih<sub>u</sub>*

<sup>13</sup> Ajuá bi ña'tua ra Abrá da umbabi ra ximhai ngu 'nara tsogui pa gue'a ne pa yá ja'i 'mefa de gue'a. Bi ña'tuabi pe hingue ngue'a xqui 'yōta ra ndaxjua ley; nu'á bi ña'tuabi njab<sub>u</sub> ngue'a mi camfri ne ya hinte ma ts'oqui mi tu. <sup>14</sup> 'B<sub>u</sub> nú'u to'o ri dena ra ndaxjua ley da gohui nú'a ra tsogui, nu'bú ra jamfri da bōni gue hinte ri muui, ne nú'a ra hñ'a'ti'a ma da njab<sub>u</sub>tho. <sup>15</sup> Pe ra ley ri japi da hnequi rá cue Ajuá ngue'a dyá ts'o'yōdeh<sub>u</sub>, pe 'b<sub>u</sub> di otho 'nara ley, nu'bú çhanja gra ts'o'yōdeh<sub>u</sub>?

<sup>16</sup> Hangue nura hñ'a'ti de ra tsogui ja pa nú'u to'o camfri, pa njab<sub>u</sub> Ajuá da za da unga ra tsogui po rá hñoja'i. Ma dra t'umbi pa gatho yá ja'i ra Abrá, hingue hønse pa nú'u to'o bi nte ja ra ley nep<sub>u</sub> bi gamfri, pe nehe pa nú'u to'o hinxa te ja ra ley ne bi gamfri ngu bi gamfri ra Abrá nú'a to'o go ra dada de gathoguih<sub>u</sub> núju dyá gamfrih<sub>u</sub>. <sup>17</sup> Ngu mānga

ja ra Maça T'ofu gue Ajuá bi xipa ra Abrá ne bi 'ñembi: “Stá hux'a'i pa gui ndada de ndunthi ya hnini.” Hangué ja rá thandi Ajuá ra Abrá bi ndada de gathu nú'ḡ to'o camfri. Y nu'á mi camfri gue Ajuá tsa da japi da yopa nte nú'ḡ xa du, y ri manda nú'a hingui 'bũitho, pa gue'a ja ra uenda ya 'bũi.

<sup>18</sup> Ne masque ngu xmá hñei, pe ra Abrá mi camfri gue da zøhø nú'a xqui xipabi Ajuá ne bi sigui bi dø'mi. Hangué njabḡ nu'á bi ndada de ndunthi ya hnini ngu nú'a xqui xipabi Ajuá ne bi 'ñembabi: “Ma da ndunthi ri b̂tsi da 'mũi.” <sup>19</sup> Ra Abrá xi mi ja rá jamfri gue da me'tsa 'nará t'ḡ. Nu'á himi jamasu ua ya mrá daqu'ei, masque mi ma da got'a 'na nthebe njeya. Nixi himi jamasu gue ra Sara nurá 'behñ'a'a ya mrá daqu'ei nehe ne hinxqui me'tsa ni 'nara b̂tsi. <sup>20</sup> Pe de nú'a xqui hñ'a'tuabi ni ts'ḡ himbi 'bε rá jamfri, nu'á ma'na bi nja rá jamfri, ne bi nsunda Ajuá. <sup>21</sup> Ngue'a mi pađi xá hño gue Ajuá mi ja rá ts'edi pa da 'yøt'e ngu nú'a xqui ñ'a'tui. <sup>22</sup> Hangué por gue'a Ajuá bi ma gue ya hinte ma ts'oqui mi tu ra Abrá, ngue'a ra Abrá bi gamfri'a.

<sup>23</sup> Pe nuya noya nú'ḡ ena gue Ajuá bi ma gue ya hinte ma ts'oqui mi tu ra Abrá, himbi t'ofu hønse pa ra Abrá; <sup>24</sup> bi t'ofu pa guecaguihḡ nehe, ngue'a Ajuá ma mahyεgui de guecjḡ nújḡ dí camfrihḡ'a. Dí camfrihḡ gue nu'á pε'tsa ra ts'edi pa bi 'yøt'e bi yopa nte ma zi Hmuhḡ ra Jesucristo. <sup>25</sup> Nu'á bri da pa bi du po rá ngue ma ts'oquihḡ, ne bi t'øt'e pa bi yopa nte pa bi t'udi gue ya hinte ma ts'oqui dí tuhḡ.

*Ya hño nú'a pe'tsa ra gamfri ngue'a Ajuá xa ma gue ya hinte ma ts'oqui tu*

<sup>1</sup> Nubyá Ajuá xa ma gue ya hinte ma ts'oqui dí tuhú ngue'a stá camfrihú'a, hangue ya dí 'buhú te rá entho con gue'a por ma Zidadahú ra Jesucristo. <sup>2</sup> Nehe ngue'a dá camfrihú ma zi Hmuhú ra Jesucristo, hangue ya stá jonihú co Ajuá ra Dada ne stá tsutuahú rá hñoja'i'a. Y nubyá ya dí 'buhú ja nú'a ra hñoja'i'a, ne dí tømhu co ndunthi ra johya nú'a ra pa ga 'buhú ja rá nsunda Ajuá. <sup>3</sup> Y hingue hønse dí johyahú por gue'a, nehe rí 'ñepi ga johyahú ora dí thohú ya ts'othogui, ngue'a dí padihú gue ya ts'othogui ri jacjú ga zedihú. <sup>4</sup> Y nu'bú ga zedihú, ga pønñhú 'radyá hoga gamfrihú, y por guehna ma'na da ndangui ma nthø'matehú. <sup>5</sup> Y nuna nthø'matená hinda ma da njabútho nepú ga 'bε ma tsahú, ngue'a ra Māca Ndahi nú'a xa t'acaguihú xa 'ñutcahú xá hño gue Ajuá macaguihú.

<sup>6</sup> Dí pahú gue Ajuá macaguihú, ngue'a ja nú'a ra pa xqui beni'a, bá pehna ma zi Hmuhú ra Jesucristo pa bi du po rá nguecjú nújú ndyá dadits'oquihú, ngue'a nujú otho ma ts'edihú pa ga mpøhøsehú. <sup>7</sup> Xi xá hñei to da ne da du po rá ngue 'nará miqu'eiui nú'a di øthmá xá hño, pe ja ra ora da za 'na da rezga da du po rá ngue 'nara hoja'i. <sup>8</sup> Pe Ajuá xa 'ñutcaguihú tengú rá ndangui rá hmáte nú'a pεscahú, ngue'a masque 'nandyá dadits'oquihú, pe bá pehna ma zi Hmuhú ra Jesucristo pa bi du po rá nguecjú. <sup>9</sup> Y núbya ya gue nu'á bi du pa bi ñangaguihú co rá māca ji, ne ya hinte ma ts'oqui dí tuhú, nu'bú nubyá go dí tømhu gue nu'á da ñangaguihú de rá cue Ajuá sta 'ñepú.

<sup>10</sup> Nuj<sub>u</sub> ndí ncontrah<sub>u</sub> co Aju<sub>a</sub>, pe nubyá dí má<sub>u</sub>dih<sub>u</sub> con gue'a po rá du rá ma<sub>u</sub>ca T'<sub>u</sub>. Y nú<sub>u</sub>bya stá má<sub>u</sub>dih<sub>u</sub> con gue'a, dí pa<sub>u</sub>dih<sub>u</sub> gue ma ga mpø<sub>u</sub>hø<sub>u</sub> po rá te'a.  
<sup>11</sup> Pe hingue hønse'a, nehe nuj<sub>u</sub> dí johyah<sub>u</sub> ndunthi ngue'a dí 'b<sub>u</sub>h<sub>u</sub> xá hño co Aju<sub>a</sub> por nú'a bi 'yøt'e ma zi Hmuh<sub>u</sub> ra Jesucristo, ngue'a por nú'a bi 'yøt'e'a ya stá má<sub>u</sub>dih<sub>u</sub> co Aju<sub>a</sub>.

*Nú'a bi 'yøtcah<sub>u</sub> ra Adá y nú'a bi 'yøt'a ra Zidada Jesucristo pa guecj<sub>u</sub>*

<sup>12</sup> Hangue nu mi y<sub>u</sub>t'a ra ts'oqui gatho ja ra meximhai, bi y<sub>u</sub>t'i po nú'a bi 'yøt'a 'nara 'ñøhø, y go gue'a numa m<sub>u</sub>di dadah<sub>u</sub>. Nehe po rá nts'o'yøde'a ra du bi y<sub>u</sub>t'i ja gatho ya ja'i, ngue'a xa t'øt'a ra uenda gue gatho bi 'yøt'a ra ts'oqui. <sup>13</sup> Hangue ante da thuxa ra ley ya mi ja ra ts'oqui ja ra ximhai, pe nú'<sub>u</sub> ya ts'oqui bi t'øt'e himbi thanga nguenda ngue'a hinxqui thusta ra ley, ngue'a hingui tsa da thanga nguenda ya ts'oqui nu hab<sub>u</sub> otho ni 'nara ley. <sup>14</sup> Pe madi njab<sub>u</sub>, ra du bi ntate ja ya ja'i desde ra Adá asta ra Moise, masque nú'<sub>u</sub> ya ja'i'<sub>u</sub> himbi 'yøt'a ngu nú'a ra nts'o'yøde bi 'yøt'a ra Adá. Nura Adá po nú'a bi 'yøt'ase hangue bi nja ra du pa gathoguih<sub>u</sub>; njab<sub>u</sub> nehe bi 'ñehe ra Zidada Jesucristo bi 'yøt'ase pa bi nja ra te pa nzantho.

<sup>15</sup> Pe nú'a ra ts'oqui bi 'yøt'a ra Adá hinga ra dangui ngu nú'a ra 'baha bi unga Aju<sub>a</sub> dega hñoja'i. Po rá ngue rá ts'oqui 'nadra 'ñøhø bi nja ra du pa gatho, pe Aju<sub>a</sub> po rá hñoja'i bá pehna 'nadra 'ñøhø nehe pa da unga ra te pa nzantho ngu 'nara 'baha pa gatho ya ja'i po rá hñoja'i nú'a 'nadra 'ñøhø. Y nura 'ñøhø'a go gue'a ma Zidadah<sub>u</sub> ra Jesucristo. <sup>16</sup> Ra ts'oqui dí tuh<sub>u</sub> por nú'a bi



'yøt'a 'nada ra ja'i hinga ra d̄angui ngu nú'a ra 'baha xa t'acj̄. Ajuā bi hñā'mba nguenda de nú'a 'nadra ts'oqui, ne bi 'yε'mba ra du pa gatho ya ja'i; pe 'mεfa Ajuā po rá hñoja'i bi unga nura 'baha'a masque ya ja'i xi xqui 'yøthmā ndunthi ya ts'oqui, pe Ajuā bi mā gue ya hinte ma ts'oqui mi tu. <sup>17</sup> Ya gue bi nt̄ate ra du po nú'a ra ts'oqui bi 'yøt'a 'nada ra 'ñøhø, pe nubyá nú'ü to'o xa hñani nú'a ra 'baha xa unda Ajuā po rá hñoja'i y xa hñani nura noya gue nu'ú ya hinte ma ts'oqui tu, nu'ú ma go da ndā'ü ja nú'a ra te xa 'ñep̄ po rá ngue nú'a bi 'yøt'a 'nada ra 'ñøhø, y nura 'ñøhø'a go gue'a ma zi Hmuh̄ ra Jesucristo.

<sup>18</sup> Hangue por nú'a ra ts'oqui bi 'yøt'a 'nada ra 'ñøhø, Ajuā bi 'yε'mba ra du pa gatho ya ja'i, y nehe por nú'a ra hoga 'bεfi bi 'yøt'a 'nada ra 'ñøhø, Ajuā ena pa gatho ya ja'i gue ya hinte ma ts'oqui tu'ü ne umbabi'ü ra te. <sup>19</sup> Po 'nara ts'o'yøde gá 'ñøhø, bi japi bi nts'oqui gatho ya meximhai, njab̄ nehe po 'nara hoga'yøde, ndunthi da t'embi gue ya hinte ma ts'oqui tu.

<sup>20</sup> Pe 'mεfa bi nja ra ley pa ma'na bi ndunthi ya nts'o'yøde. Y masque xa ndunthi ya nts'o'yøde, ma'na xa nd̄angui rá hñoja'i Ajuā. <sup>21</sup> Masque ra ts'oqui xi bi nt̄atehmā ngue'a bi nja ra du, pe ma'na bi nt̄ate rá hñoja'i Ajuā, ngue'a po rá hñoja'i'a nu'á mā gue nuj̄ ya hinte ma ts'oqui dí tuh̄, ne xa 'racaguih̄ ra te pa nz̄antho po ma Zidadah̄ ra Jesucristo.

## 6

*Núj̄ stá 'uegueh̄ de ra ts'oqui rí 'ñepi ga 'buh̄*

*'nara 'ra'yo te co ra zi Hmu Jesucristo*

1 Xibya, ¿te ga mañh<sub>u</sub>? ¿Ha gue ga sigui ga øth<sub>u</sub> ya ts'oqui pa ma'na da ndangui rá hñoja'i Aju<sub>a</sub> pa guecju? 2 ¡Hina! ¡Hinda za ga beñh<sub>u</sub> njab<sub>u</sub>! Nuju ma'met'o ndí oh<sub>u</sub> ja rá 'yε ra ts'oqui, pe nubyá ya stá pøñh<sub>u</sub>, ya hindí oh<sub>u</sub> ja rá 'yε, ja ra uenda ya stá tuh<sub>u</sub>. Nu'bú ¿hanja da za ga sigui ga øth<sub>u</sub> ya ts'oqui? 3 ¿Ha gue hinguí padih<sub>u</sub> gue núju stá nxisteh<sub>u</sub> stá 'nathoh<sub>u</sub> co ma zi Hmuh<sub>u</sub> ra Jesucristo, ne nura ora dá nxisteh<sub>u</sub> ja ra uenda dá tuh<sub>u</sub> con gue'a? 4 Nehe nú'a ra ora dá nxisteh<sub>u</sub>, ja ra uenda dá nt'aguih<sub>u</sub> ngu bi nt'agui'a ngu 'ñena stí tuh<sub>u</sub> nehe, pa ngu bi yopa nte'a de ja ra du po rá maca ts'edi Aju<sub>a</sub> rá Dada, njab<sub>u</sub> necaguih<sub>u</sub> stá yopa nte<sub>u</sub> ma'ra'yo pa ga 'buh<sub>u</sub> 'nara 'ra'yo 'm<sub>u</sub>i.

5 Ngue'a nu'b<sub>u</sub> stá 'nathoh<sub>u</sub> con gue'a ngue'a ja ra uenda stá tuh<sub>u</sub> ngu bi du'a, nu'bú ma ga 'buh<sub>u</sub> 'nara 'ra'yo 'm<sub>u</sub>i ngu gra 'm<sub>u</sub>a, ngue'a ja ra uenda dá yopa nte<sub>u</sub> ngu bi yopa nte'a de ja ra du. 6 Dí padih<sub>u</sub> gue ma ndaxjua 'm<sub>u</sub>i bi mpont'i mahyεgui con gue'a, pa gue numa ndaxjua 'm<sub>u</sub>i nú'a mi pεpa ra ts'oqui, ngu ya xra huati pa ya hinga 'mεgoh<sub>u</sub> de ra ts'oqui. 7 Ngue'a nu'a tó'o ya xa du, ya hingui o ja rá 'yε ra ts'oqui. 8 'B<sub>u</sub> stá tuh<sub>u</sub> mahyεgui co ma zi Hmuh<sub>u</sub> ra Jesucristo, dí camfrih<sub>u</sub> gue ga 'buh<sub>u</sub> con gue'a. 9 Ngue'a dí pah<sub>u</sub> gue ma zi Hmuh<sub>u</sub> to'o bi yopa nte de ja ya du, ya hingui pε'tsi te da yopa du'a, ne ra du hinda ma da yopa ntate de gue'a. 10 Ngue'a nu mi du'a, bi du 'na'quitho pa bi gutca gatho ma ts'oquih<sub>u</sub>, y ya hingui pε'tsi te da nu co ra ts'oqui. Y nubyá nu'á bi yopa nte y 'b<sub>u</sub>i pa rá nsunda Aju<sub>a</sub>. 11 Njab<sub>u</sub>

necj<sub>u</sub> ga øth<sub>u</sub> ra uenda gue ya stá tuh<sub>u</sub> ne ya hindí pɛ'tsh<sub>u</sub> te ga nuh<sub>u</sub> co ra ts'oqui, ne ya dí 'b<sub>u</sub>h<sub>u</sub> pa rá nsunda Aju<sub>a</sub> ngue'a dí 'nathoh<sub>u</sub> co ma zi Hmuh<sub>u</sub> ra Jesucristo.

<sup>12</sup> Hangue ya oxqui hoph<sub>u</sub> ra ts'oqui da sigui da manda ja ri ndo'yoh<sub>u</sub> nú'a ma da du. Oxqui hoph<sub>u</sub> da ja'ah<sub>u</sub> gui 'yøth<sub>u</sub> nú'a go da ne ri ndo'yoh<sub>u</sub>.

<sup>13</sup> Oxqui sigui gui pɛph<sub>u</sub> ra ts'oqui nú'a ja'ah<sub>u</sub> gui 'yøth<sub>u</sub> nú'a hingui ho. Nu'a gui 'yøth<sub>u</sub>, daph<sub>u</sub> ri teh<sub>u</sub> ja rá 'yɛ Aju<sub>a</sub> pa gui 'yø'tuah<sub>u</sub> rá paha'a, ngue'a nu'ah<sub>u</sub> ja ra uenda ya xcá tuh<sub>u</sub> de ra ts'oqui ne xcá yopa nteh<sub>u</sub> ma'ra'yo. Hangue daph<sub>u</sub> ri ndo'yoh<sub>u</sub> ne ri ts'ɛdih<sub>u</sub> Aju<sub>a</sub> pa gui pɛph<sub>u</sub> rá 'bɛfi'a.

<sup>14</sup> Ngue'a nura ts'oqui ya hinda ma da nda de guecj<sub>u</sub>, ngue'a ya hindí 'b<sub>u</sub>h<sub>u</sub> ja rá hmanda ra ndaxjua ley, nubyá dí 'b<sub>u</sub>h<sub>u</sub> ja rá hñoja'i Aju<sub>a</sub>.

*Núj<sub>u</sub> ndí oh<sub>u</sub> ja rá 'yɛ ra ts'oqui, ¿pa te ga yopa penj<sub>u</sub>ni?*

<sup>15</sup> Nde'b<sub>u</sub>, ¿ha gue ga øth<sub>u</sub> ya ts'oqui ngue'a dí 'b<sub>u</sub>h<sub>u</sub> ja rá hñoja'i Aju<sub>a</sub> ne ya hindí 'b<sub>u</sub>h<sub>u</sub> ja rá hmanda ra ndaxjua ley? ¡Hina! ¡Hinda za ga beñh<sub>u</sub> njab<sub>u</sub>! <sup>16</sup> Dí padih<sub>u</sub> gue dyá 'bɛgoh<sub>u</sub> de nú'a to'o dí øteh<sub>u</sub>. Nu'b<sub>u</sub> guí øteh<sub>u</sub> ra ts'oqui go rá 'bɛgo'ih<sub>u</sub>'a ne go gue'a da ja'ah<sub>u</sub> gui 'mɛdih<sub>u</sub>. Ha nu'b<sub>u</sub> guí øth<sub>u</sub> Aju<sub>a</sub> go rá 'bɛgo'ih<sub>u</sub>'a y nu'a da 'yøt'e pa gui 'b<sub>u</sub>h<sub>u</sub> xá hño ja rá thandi'a. <sup>17</sup> Pe jamadi Aju<sub>a</sub> gue masque gá 'mɛgoh<sub>u</sub> de ra ts'oqui, pe nubyá ya xcá ndah<sub>u</sub> pa gui 'yøteh<sub>u</sub> con gatho ri m<sub>u</sub>ih<sub>u</sub> ra nt'utuute xa t'u't'ah<sub>u</sub>. <sup>18</sup> Aju<sub>a</sub> bi zin'ah<sub>u</sub> de rá 'yɛ ra ts'oqui nú'a nguí pɛph<sub>u</sub>, pa go gui pɛph<sub>u</sub>'a ne gui 'yøth<sub>u</sub> xá hño ngu ri ho'a. <sup>19</sup> Núna dí xi'ah<sub>u</sub>, dí hɛc'ah<sub>u</sub> ngu ya 'bɛgo pa da zo ri mfenih<sub>u</sub>. Njab<sub>u</sub>

ngu xcá ndah<sub>u</sub> pa gá 'mεgoh<sub>u</sub> ja ra ts'oqui ne nguí nts'o'yødeh<sub>u</sub>, njab<sub>u</sub>tho nehe ndah<sub>u</sub> ja rá 'yε Aju<sub>u</sub> pa gui 'yøth<sub>u</sub> nú'a xá hño, ne gui 'b<sub>u</sub>h<sub>u</sub> xá nt'axi.

<sup>20</sup> Nguetho nú'b<sub>u</sub> nguí 'mεgoh<sub>u</sub> ja ra ts'oqui, himi tsa gui 'yøth<sub>u</sub> nú'a xá hño. <sup>21</sup> ¿Te ma thaha gá hañh<sub>u</sub> de nú'u ya t'øt'e xmá nts'o nguí øth<sub>u</sub>? Ha nubyá grí ntsah<sub>u</sub> de gue'u. Ngue'a nú'a ra thaha ri uni nú'u ya t'øt'e xá nts'o, go gue'a ra du. <sup>22</sup> Pe nubyá ya hingyá 'bεgoh<sub>u</sub> de ra ts'oqui, ya gyá 'bεgoh<sub>u</sub> de Aju<sub>u</sub>, hangue ya xcá hañh<sub>u</sub> 'nara danga thaha, y nura thaha'a go gue'a gui 'b<sub>u</sub>h<sub>u</sub> xá nt'axi y rá ngats'i 'nara te pa nzantho. <sup>23</sup> Nguetho nurá njut'i ra ts'oqui go gue'a ra du, pe nurá 'baha Aju<sub>u</sub> go gue'a 'nara te pa nzantho nú'a da 'racj<sub>u</sub> ngue'a drí 'nathoh<sub>u</sub> co ma Zidadah<sub>u</sub> ra Jesucristo.

## 7

*Dí 'b<sub>u</sub>h<sub>u</sub> co ra Zidada, hingue dí 'b<sub>u</sub>h<sub>u</sub> ja ra ndaxjua ley*

<sup>1</sup> Zi cuh<sub>u</sub>, nu'ah<sub>u</sub> guí padih<sub>u</sub> ya ley, gue mientras ra ja'i te, pe'tsi da 'yøt'e ngu m<sub>u</sub>nga ra ley, pe 'b<sub>u</sub> da du, ya hina. <sup>2</sup> Nja ngu 'nara 'bεhña ra medinthati, mientras te rá dame pe'tsi da 'yøt'e nú'a m<sub>u</sub>nga ra ley dega nthati, pe nu'b<sub>u</sub> ya xa du rá dame, nura 'bεhña'a ya hingui 'b<sub>u</sub>i ja nura ley'a. <sup>3</sup> Pe nu'b<sub>u</sub> te rá dame, ne da mεui ma'na ra 'ñøhø, nura 'bεhña'a da thu'mbabi ra zinga medinthati; pe nu'b<sub>u</sub> xa du rá dame, nura 'bεhña'a ya hingui 'b<sub>u</sub>i ja nura ley'a, ne hinda ma da thu'mbabi ra zinga medinthati masque da nthatui ma'na ra 'ñøhø.

<sup>4</sup> Njab<sub>u</sub> necaguih<sub>u</sub> ndí 'b<sub>u</sub>h<sub>u</sub>hm<sub>u</sub> ja rá hmanda ra ndaxjua ley. Pe nubyá ja ra uenda stá tuh<sub>u</sub>

mahyεgui co ra Zidada Jesucristo nu mi du'a, ne ya hindí 'buh<sub>u</sub> ja nura ley'a. Dá njah<sub>u</sub> ngu nú'a ra 'beñã bi du rá dame ne bi nthatui ma'na, ngue'a nuj<sub>u</sub> ya hindí 'buh<sub>u</sub> ja ra ndaxjua ley, ngue'a ya dá 'nathoh<sub>u</sub> co ra Zidada Jesucristo nú'a to'o bi yopa nte de ra du. Y stá njah<sub>u</sub> pa da za ga øth<sub>u</sub> ya hoga 'befi pa rá nsunda Ajuã. <sup>5</sup> Ngue'a nú'b<sub>u</sub> ndí 'buh<sub>u</sub> ja ma ndaxjua 'muh<sub>u</sub> xá nts'o, nura ley ma'na bi nupca ma mfenih<sub>u</sub> pa dá øth<sub>u</sub> nú'ç ya ts'onc'at'i ndí pε'tsh<sub>u</sub>, y nu'ú mri mpefi ja gatho ma ndo'yoh<sub>u</sub> pa dá øth<sub>u</sub> ya ts'oqui ne pa xa zixcah<sub>u</sub> ja ra du. <sup>6</sup> Pe nubyá ja ra uenda stá tuh<sub>u</sub> de ja ra ndaxjua ley, ngue'a ya hindí 'buh<sub>u</sub> ja rá hmanda nú'a ra ley'a. Ya hindí oh<sub>u</sub> ja rá 'yε ra ley, hangue nubyá da za ga pεph<sub>u</sub> Ajuã co 'nara 'ra'yo mfeni nú'a bi 'racj<sub>u</sub> ra Maça Nda<sub>u</sub>hi, ne hingue ngu ma'met'o nú'b<sub>u</sub> ndí 'buh<sub>u</sub> ja rá hmanda ra ndaxjua ley ne ndí pεph<sub>u</sub> ngu nú'a xqui t'ofu.

### *Ra ts'oqui nú'a dí hah<sub>u</sub>*

<sup>7</sup> ¿Te ga beñh<sub>u</sub>bya? ¿Ha gue ra ndaxjua ley tu ra thai de ra ts'oqui? ¡Hina! ¡Hinda za! Ngue'a go gue'a bi 'ñutcagui te rá 'be'a ya ts'oqui. Ngue'a hinduí pa<sub>u</sub>di hma<sub>u</sub>hã ua ra ts'oqui pa dra hyøcua nú'a te pε'tsi ma'na. Dá pa<sub>u</sub>di asta nu mi 'ñengagui ra ley: “Oxqui hyøca nú'a hinga ri meti.” <sup>8</sup> Pe nu ndá øde nura hmanda'a, nuya ts'onc'at'i bi mpefi ja ma ndo'yo pa dá hyøque ndunthi ya t'øt'e, y njab<sub>u</sub> dá tu ra ts'oqui ngue'a hindá øt'e ngu nú'a mangua ra ley, ngue'a nsi ra ley hingui tsa to da du ra ts'oqui. <sup>9</sup> Ma'met'o hinduí pa<sub>u</sub>hma<sub>u</sub> ra ley, y ndí beni gue nduí 'bui xá hño ja rá thandi Ajuã. Pe nu ndá pa<sub>u</sub>di ra ley, gue'b<sub>u</sub> dá pa<sub>u</sub>di tengu rá ndangui ra thai

ndí tu, ha nura ts'oqui ma'na bi nja rá ts'edi pa bi cacagui ga pɛpi. <sup>10</sup> Njabu ra ley nú'a ña'tui ra te pa nzantho pa to'o da cumplibi, bi 'ñutcagui gue ya dí nehi ra 'ñu pa ja ra du. <sup>11</sup> Ngue'a ra ts'oqui mi cacagui ga øt'a nú'a mi haghama ra ley pa hinga øt'e, hangue ra ley bi condenagui ga tu po rá ngue ra ts'oqui.

<sup>12</sup> Hangue ra maça ley xá nt'axi y nú'a ri manda'a go gue'a xá nt'axi ne xá hño y øt'a ra hoga ts'utbi. <sup>13</sup> Nu'bá, ¿ha gue nú'a ra hoga ley go gue'a bi 'yøtca 'nara 'ñu pa xa zixca ja ra du? ¡Hina! ¡Hinga beñhu njabu! Ngue'a nuya ts'oqui stá øt'e go gue'u bi 'yøtcagui nura 'ñu pa xa zixcama ja ra du. Y njabu xa fadi que nura ts'oqui xi ra cate, ngue'a por nú'a ra hoga ley, ra ts'oqui bi jaqui dá 'mɛdihma. Hangue po ra ley bi hnequi gue ra ts'oqui nts'edi xá nts'o.

<sup>14</sup> Dí padihu gue ra ley bá ehe de mahets'i. Pe nugui drá ja'i dega ximhai, ne dí o ja rá 'yɛ ra ts'oqui, hangue otho ma ts'edi pa ga øt'a ngu nú'a ri manda ra ley. <sup>15</sup> Nugui hindí padi nú'a dí pɛfi, ngue'a hingo xi ma paha nú'a dí pɛfi, pe nú'u ya 'bɛfi dí ɛtsa xcá thamfri ya dá øt'e. <sup>16</sup> Y nu'bu dí øt'e nú'a hingu ho ne hingo ma pahaga, nu'bá numa pahaga ri nthɛ ngu manga ra ley, ngue'a ra ley ma gue hinxá hño nú'a dá øt'e, hangue dí handi gue ra ley xá hño. <sup>17</sup> Hangue njabu hingo de guecsɛ dí pɛfi nuya t'øt'e. Nuya ts'onc'at'i dí pɛ'tsi ja ma ndo'yo, go gue'u ri jaqui dí øt'a njabu. <sup>18</sup> Y nugui dí padi gue hinte ma t'øt'e xá hño dí øt'e ja ma ndaxjua 'mɛi, ngue'a ga nehma ga øt'e nú'a xá hño pe hingu tsa ga øt'e. <sup>19</sup> Nguetho nura hño dí ne ga øt'e, hindí

øt'e, pe nú'a xá nts'o ne nú'a hingo ma paha pa ga øt'e, nu'á go gue'a dí øt'e. <sup>20</sup> Pe nu'bu nugui ga øt'e nú'a hingo dí ne, nu'bu ha, hingo dí pefi nura 'bɛfi'a, nuya ts'onc'at'i dí pe'tsa ja ma ndo'yo go gue'u ri jaqui dí øt'a njabu.

<sup>21</sup> Hangue dí padi gue nzantho ri nda 'nara ts'edi ja ma ndo'yo, y ri mpefi njaua: 'bu dí ne ga øt'a nú'a xá hño, hingui tsa ngue'a nzantho go dí øt'a nú'a hingui ho. <sup>22</sup> Ngue'a nugui de ja ma mfeni dí ho rá ley Ajuá, <sup>23</sup> pe ja 'nara ts'edi ma'na'ño nú'a ri nda ja ma ndo'yo. Nura ts'edi'a ri ntuncui ma paha, ne nzantho jaqui ga øt'a ya ts'oqui pa ma'na rí datc'agui'a.

<sup>24</sup> ¡Huecategui! Xibya, ¿to da ñangagui de nuna ts'edi ri nda ja ma ndo'yo nú'a tsixcagui pa ja ra du? <sup>25</sup> Jamadi Ajuá gue ya bi ñangagui'a po ra Zidada Jesucristo. Guehna nú'a dí ma: nugui de ma paha dí ne ga pɛpabi rá ley Ajuá, pe rá ts'edi ra ts'oqui ri nda ja ma ndo'yo.

## 8

### *Ra te nú'a ja po rá ts'edi ra Maça Ndahi*

<sup>1</sup> Nubyá, Ajuá ya hinda ma da condenaguihu ni 'na de guecju núju drí 'nathohu co ra Zidada Jesucristo ne dí 'yohu ngu nú'a utcahu ra Maça Ndahi, y ya hindí ø'tuahú rá paha ma ndo'yohu. <sup>2</sup> Ngue'a Ajuá xa ñangaguihu de rá ts'edi ra ts'oqui nú'a mi tsixcahu ja ra du, y nubyá ra Maça Ndahi go gue'a ri mandaguihu ne tsixcahu ja ra 'ra'yo te ngue'a drí 'nathohu co ra Zidada Jesucristo. <sup>3</sup> Ra ndaxjua ley mi xicju ndunthi ya 'bɛfi pa stá øthu hmaha, pe himbi za bi maxcahu pa stá øthu ngue'a

ndí ø'tuah<sub>u</sub> rá paha ma ndo'yoh<sub>u</sub>. Pe Ajuá ha, xa maxcah<sub>u</sub> ngue'a bá pɛhna rá T'<sub>u</sub>, bi ñe bi nja'i ngu nú<sub>ju</sub> dyá 'yøt'ats'oquih<sub>u</sub> pa bi za bi unga rá maça ndo'yo po ma ts'oquih<sub>u</sub>, y njab<sub>u</sub> Ajuá bi hñacua rá ts'edi ra ts'oqui pa hinda sigui da nda ja ma ndo'yoh<sub>u</sub>. <sup>4</sup> Ajuá bi 'yøt'a njab<sub>u</sub> pa da za ga øth<sub>u</sub> ya hoga 'bɛfi ngu ri manda ra ndaxjua ley, ngue'a nubyá go dí øth<sub>u</sub> ngu nú'a rá paha ra Maça Ndahi, y ya hindí øth<sub>u</sub> nú'a go rá paha ma ndo'yoh<sub>u</sub>.

<sup>5</sup> Ne dí paðih<sub>u</sub> nu'a tó'o ø'tua rá paha rá ndo'yo, hønse oda rá mfeni nú'a go da ne rá ndo'yo, pe nu'a tó'o ø'tua rá paha ra Maça Ndahi, nu'á ha, oda rá mfeni hanja da 'yø'tua nú'a ri ho ra Maça Ndahi. <sup>6</sup> Nguetho nu'a tó'o hønse oda rá mfeni ra ndaxjua 'm<sub>ui</sub> go gue'a ma da 'mɛdi. Pe nuto oda rá mfeni da 'yøt'e ngu nú'a ri ho ra Maça Ndahi, nu'á pe'tsa ra te nzantho ne 'b<sub>ui</sub> te rá ñenthó. <sup>7</sup> Nguetho nu'a tó'o oda rá mfeni ra ndaxjua 'm<sub>ui</sub>, go gue'a ri ncontraui Ajuá, nguetho hingui øte rá ley Ajuá ha nixi hinda za da 'yøt'e. <sup>8</sup> Nu'a tó'o ø'tua rá paha rá ndo'yo, hingui tsa da 'yøt'e ngu nú'a ri ho Ajuá.

<sup>9</sup> Pe nu'ah<sub>u</sub> ya xcá tsohab<sub>u</sub> nuri ndaxjua 'm<sub>ui</sub>h<sub>u</sub>, ne ya hinguí ø'tuah<sub>u</sub> rá paha ri ndo'yoh<sub>u</sub>. Nubyá guí ø'tuah<sub>u</sub> rá paha ra Maça Ndahi ngue'a nu'á 'b<sub>ui</sub> ja ri corasoh<sub>u</sub>. Y nu'a tó'o hingui pe'tsa ra Maça Ndahi nú'a bá pɛhna ra Zidada Jesucristo, nura ja'i'a hingo rá mɛti ra Zidada Jesucristo. <sup>10</sup> Pe 'b<sub>u</sub> ra Zidada Jesucristo 'b<sub>ui</sub> ja ri corasoh<sub>u</sub>, masque ri ndo'yoh<sub>u</sub> xa t'ɛ'mbi da du po rá ngue ra ts'oqui, pe nuri ndahih<sub>u</sub> ma da 'm<sub>ui</sub> pa nzantho ngue'a ya hinte ma ts'oqui guí tuh<sub>u</sub>. <sup>11</sup> Ajuá to'o bi japi bi yopa nte ra Zidada Jesucristo, go gue'a ma da



japi da yopa nte ri ndo'yoh<sub>u</sub> nehe ngue'a ra Maça Ndahi 'bui ja ri corasoh<sub>u</sub>. Nú'a ri ndo'yoh<sub>u</sub> xa du, Ajuá ma da japi da yopa nte po ra Maça Ndahi nú'a 'bui ja ri corasoh<sub>u</sub>.

<sup>12</sup> Hangue ringue'a zi cuh<sub>u</sub>, hinga mahyoni ga ø'tuabih<sub>u</sub> rá paha ma ndo'yoh<sub>u</sub> ngue'a ya hindí 'buh<sub>u</sub> ja rá hmanda'a. <sup>13</sup> 'B<sub>u</sub> go gui ø'tuah<sub>u</sub> rá paha ri ndo'yoh<sub>u</sub>, nu'bú ma gui tuh<sub>u</sub>. Pe nu'b<sub>u</sub> co rá ts'edi ra Maça Ndahi gui hñacj<sub>u</sub> ya ts'ot'øt'e de ri ndo'yoh<sub>u</sub>, nu'bú hingui ma gui tuh<sub>u</sub>.

<sup>14</sup> Nguetho gatho nú'a to'o øt'e ngu nú'a utuabi ra Maça Ndahi, go gue'a yá bātsi Ajuá. <sup>15</sup> Nura Maça Ndahi bi t'acj<sub>u</sub> pa ya hinga 'mεgoh<sub>u</sub> ja ra ts'oqui, hangue njab<sub>u</sub> ya hinga yopa ntsuh<sub>u</sub>. Nura Maça Ndahi bi t'acj<sub>u</sub> go gue'a bi 'yøt'e pa dyá bāsiguih<sub>u</sub> Ajuá. Hangue po rá ts'edi ra Maça Ndahi dí emf<sub>u</sub> Ajuá: “¡Ma hmaça Dada'ihé!” <sup>16</sup> Nguetho ra Maça Ndahi gue'a damajuani ja ma ndahih<sub>u</sub> gue yá bāsiguih<sub>u</sub> Ajuá. <sup>17</sup> Y dí pah<sub>u</sub> gue nuya bātsi gatho nú'a te pε'tsa yá dada go yá mεti nehe. Hangue necj<sub>u</sub> nehe ma mεtih<sub>u</sub> nú'a te pε'tsa Ajuá, y mahyεgui co ra Zidada Jesucristo ma ga hañh<sub>u</sub> nú'a ma da 'racj<sub>u</sub> Ajuá ngu 'nara tsogui, pe mahyoni ga tseth<sub>u</sub> ya thogui ngu bi zeta ra Zidada Jesu, pa nehe da za ga 'buh<sub>u</sub> ja rá nsunda con gue'a.

<sup>18</sup> Dí padi gue nuya ts'othogui dí thoh<sub>u</sub> nuya pabya ni ts'u ri nhyεcuauí rá ndangui de nú'a ra nsunda ma ga hanth<sub>u</sub> 'mεfa. <sup>19</sup> Gatho nú'a xa hyoca Ajuá, ja ra uenda ngu tøbgah<sub>u</sub> co ndunthi ra johya nu xcrá hnequih<sub>u</sub> ja rá nsunda Ajuá núj<sub>u</sub> yá bāsiguih<sub>u</sub> a. <sup>20</sup> Gatho nú'a te xa hyoca Ajuá xmá hñohmā pe 'mεfa bi ts'oqui. Pe hingo de yá

pahasεhε'u, go rá paha Ajuá pa bi njabu, pe nu'á bi 'yε'mbi gue da yopa hogui 'mεfa. <sup>21</sup> Y nura pa'a ma da uadi yá nzabi de gatho nú'a te xa hyoca Ajuá, ngue'a ma da yopa hogui ma'ra'yo. Hangué gatho nuya t'øt'e ja, ya hinda ma da 'yo ja rá 'yε ra ts'oqui nu sta zixcaguih<sub>u</sub> Ajuá de nuna ra ts'oximhai pa grá 'b<sub>u</sub>h<sub>u</sub> ja rá nsunda nú<sub>u</sub> yá b<sub>u</sub>atsiguih<sub>u</sub>'a. <sup>22</sup> Dí p<sub>u</sub>h<sub>u</sub> gue gatho nú'a bi hyoca Ajuá, astabya ri sufri ngu ri sufri 'nara 'bεhñá ma da 'm<sub>u</sub> rá zi b<sub>u</sub>atsi, pe nu sta thogui yá ugui'a, ma da haxamahai. <sup>23</sup> Y hingue hønse nú'u ya t'øt'e bi hyoca Ajuá, nec<sub>u</sub> nehe drí tsah<sub>u</sub> ya ugui, ne dí gá'tsih<sub>u</sub>, pe Ajuá xa 'rac<sub>u</sub> ra M<sub>u</sub>ca Ndahi ngu 'nara seña de ra johya ma ga pε'tsh<sub>u</sub>, hangué dí tø'mh<sub>u</sub> gue nu xcrá 'b<sub>u</sub>h<sub>u</sub> ja rá nsunda Ajuá ma da 'ñudiguih<sub>u</sub> gue yá b<sub>u</sub>atsiguih<sub>u</sub>'a co ma ndo'yoh<sub>u</sub> strá nsunda nsi ra nzabi ni ra ugui. <sup>24</sup> Nu ndá mpøhøh<sub>u</sub> bi t'ac<sub>u</sub> ra nthø'mate gue ma ga 'b<sub>u</sub>h<sub>u</sub> hab<sub>u</sub> xá nsunda. Pe nu'b<sub>u</sub> ya dí hanth<sub>u</sub> nú'a xa sic<sub>u</sub> ga tø'mh<sub>u</sub>, nu'bú ya hinga mahyoni ga ndø'mh<sub>u</sub> ngue'a ya dí hanth<sub>u</sub>. <sup>25</sup> Pe nu'b<sub>u</sub> dí tø'mh<sub>u</sub> nú'a hindí handathoh<sub>u</sub>, nu'bú pε'tsi te ga tø'mh<sub>u</sub> asta hinga hanth<sub>u</sub>.

<sup>26</sup> Nehe ra M<sub>u</sub>ca Ndahi 'b<sub>u</sub>i pa da maxcah<sub>u</sub>, ngue'a de guecsεguih<sub>u</sub> otho ma ts'εdih<sub>u</sub> pa ga tsεth<sub>u</sub>. Ngue'a nujá hindí p<sub>u</sub>h<sub>u</sub> te ga aph<sub>u</sub> Ajuá nixi hanja ga ñah<sub>u</sub> con gue'a. Pe ra M<sub>u</sub>ca Ndahi ri jac<sub>u</sub> ga ngá'tsih<sub>u</sub> masque hinda za ga mañh<sub>u</sub> te ga mañh<sub>u</sub>, nu'bú ra M<sub>u</sub>ca Ndahi ri bantebi Ajuá por guec<sub>u</sub>. <sup>27</sup> Y Ajuá nú'a patca ma mfenih<sub>u</sub>, p<sub>u</sub>di nú'a adi ra M<sub>u</sub>ca Ndahi ngue'a adi ngu nú'a rá ma<sub>u</sub>ca paha Ajuá y ri bantebi Ajuá pa yá gamfri'a.

*Ma ga ntateh<sub>u</sub> co rá mfats'i Ajuá*

<sup>28</sup> Núj<sub>u</sub> xa zoncaguih<sub>u</sub> Ajuá ngu nú'a xqui beni maya'b<sub>u</sub>, ne dí mađih<sub>u</sub>'a, dí pađih<sub>u</sub> gue nu'á ri supca ma teh<sub>u</sub> pa gatho nú'a da 'ñepcaguih<sub>u</sub> go pa ma hñoh<sub>u</sub>. <sup>29</sup> Ngue'a Ajuá ya mi pačaguih<sub>u</sub> desde ra m<sub>u</sub>đi, hangue nu'á bi huancah<sub>u</sub> ne bi hñuxcah<sub>u</sub> pa ga 'b<sub>u</sub>h<sub>u</sub> ngu gra 'm<sub>u</sub> rá T'<sub>u</sub>, pa njab<sub>u</sub> nura T'<sub>u</sub>'a dra cu mada de gathoguih<sub>u</sub> dyá cuh<sub>u</sub>. <sup>30</sup> Nujá bi hñuxcah<sub>u</sub> Ajuá pa ga 'b<sub>u</sub>h<sub>u</sub> ngu gra 'm<sub>u</sub> rá T'<sub>u</sub>, y hingue h<sub>u</sub>ñse'a, nehe bi zocj<sub>u</sub> pa dá camfrih<sub>u</sub>'a. Y hingue h<sub>u</sub>ñse'a, nehe bi xicj<sub>u</sub> gue ya hinte ma ts'oqui dí tuh<sub>u</sub>. Y hingue h<sub>u</sub>ñse'a, nehe ma da zixcaguih<sub>u</sub> ja rá nsunda.

<sup>31</sup> Nubyá, ya dí pah<sub>u</sub> gue Ajuá 'b<sub>u</sub>i con guecj<sub>u</sub>, nu'b<sub>u</sub> ¿hanja da za to da dačaguih<sub>u</sub>? Hinda za. <sup>32</sup> Ajuá bi unga rá 'ra T'<sub>u</sub> pa bi du po rá nguecj<sub>u</sub>. Nu'b<sub>u</sub> ¿ha gue hinda 'racj<sub>u</sub> nehe mahyεgui con gue'a gatho ma'ra te dí hoñh<sub>u</sub>? <sup>33</sup> ¿To'o da za da mambgah<sub>u</sub> núj<sub>u</sub> yá hmadiguih<sub>u</sub> Ajuá? Jo'o, ngue'a Ajuá go guesε'a xa ma gue ya hinte dí tuh<sub>u</sub>. <sup>34</sup> ¿To'o tsa da condenaguih<sub>u</sub>? Jo'o, ngue'a ra Zidada Jesucristo go gue'a bi du por guecj<sub>u</sub>, y 'mεfa bi yopa nte, y nubya bí 'b<sub>u</sub>i ja rá nsu ja rá 'ñei Ajuá, y ja guehni brí bantebi Ajuá por guecj<sub>u</sub>. <sup>35</sup> ¿Nda'a gue'a tsa da 'uegaguih<sub>u</sub> de rá hmäte ra Zidada Jesucristo? ¿Ha gue ya ts'othogui, o ya dum<sub>u</sub>i, o ya njute, o ra thuhu, o ra 'ñáhe, o ra ntsu, o ra du? Hina, ni 'na. <sup>36</sup> Ngu mąga ra Mąca T'ofu hab<sub>u</sub> ena njaua:

Nuje stá camfri'ihe, hangue nzantho t'εbgaguihe  
da thoje

ngu 'nara zi deti ho ra hyomgø.

<sup>37</sup> Pe de gatho nú'a dí thoh<sub>u</sub>, xi dí tateh<sub>u</sub> po nú'a to'o ri maçaguih<sub>u</sub>. <sup>38</sup> Hangué dí pah<sub>u</sub> gue jo'o ni 'na to'o da za da 'uegaguih<sub>u</sub> de rá hmäte Ajuá, nixi nú'b<sub>u</sub> ga tuh<sub>u</sub>, nixi nú'bya dí teh<sub>u</sub>, nixi ya εnxε, nixi ya ndá gá εnxε, nixi nú'a jabya mapaya, nixi nú'a ma da nja 'mεfa, <sup>39</sup> nixi nú'a ja mañá de mahets'i, nixi nú'a ja ri ga'ti de ra ximhai; ni 'na de nú'u xa hyoca Ajuá, hinda za da 'uegaguih<sub>u</sub> de rá hmäte'a nú'a pεscah<sub>u</sub> ngue'a dí 'nathoh<sub>u</sub> co ma zi Hmuh<sub>u</sub> ra Jesucristo.

## 9

### *Ajuá xa huahna ya me Israel*

<sup>1</sup> Nugui, nú'a dí ma, dí mąnga majuani ngu rí 'ñepcagui ngue'a dí camfri ra Zidada Jesucristo. Hangué nú'a ma ga ma hingrá nc'uamba. Nu ja ma mfeni dí pađi xá hño gue dí mąnga majuani ngue'a go ra Maça Nđahi xicagui gue nú'a dí ma gue'a majuani. <sup>2</sup> Xi 'raca 'nara ntsø'mi y nzantho zonga ma mfeni. <sup>3</sup> Nugui, ga nehma gue masque go ga 'mεdiga de rá thandi ra Zidada Jesucristo, qué pa da mpøhø ma'ra ma mixodyo'be nú'u hinxa gamfritho ra Zidada Jesucristo. <sup>4</sup> Nú'ú go gue'u ya me Israel. Ajuá bi hñuts'i'u pa dyá batsi'a, ne mi utuabi'u rá maça nsunda'a ja rá ndanija'u, ne bi gohui'u 'raya cohi. Nehe bi umbabi'u ra maça ley, ne bi 'ñutui hanja da xøcambeni'a ja rá nija'u. Nehe Ajuá bi ñá'tuabi'u ya hñá'ti. <sup>5</sup> Nuyá xita'u go gue'u ra Abrá ne ra Isaac ne ra Cobo ne yá t'u, y ja nuya ja'i'u ja bi 'ñe bi nja'ini ra Cristo nú'a bá pεhna Ajuá pa da nda, y nu'á go guesε'a Ajuá, y go gue'a rá mεti

gatho nú'a te ja ne 'bui. Drá nsunda'a pa nzantho. Njabu gue'a.

<sup>6</sup> Pe hiní 'ñepi ga beñhu gue Ajuá hinxa cumpli rá noya co ra hnini Israel, ngue'a Ajuá xqui ña'tuabi da japi nura hnini'a, pe hingue gatho ya me Israel go gue'u rá hnini Ajuá. <sup>7</sup> Masque bi 'múi ndunthi yá 'beto yá mbong'beto ra Abrá, pe hingue gatho'u t'ot'a ra uenda gue yá bātsi majuañi, hõnse nú'u yá bātsi ra Isaac. Ngue'a ja ra Maça T'ofu ena gue Ajuá bi xipabi ra Abrá njaua: “Go dri 'beto yá bātsi ra Isaac.” <sup>8</sup> Nubyá ne da 'ñena gue hingo gatho nuya bātsi de rá ji ra Abrá go gue'u yá bātsi Ajuá, pe hõnse nú'u bi 'múi dega hña'ti ngu bi 'múi ra Isaac. <sup>9</sup> Guehna ra hña'ti bi ña'tuabi ra Abrá, bi 'ñembabi Ajuá: “Rijeya ngubya, ma ga yopa ehe ga c'a'ts'a'i, ha nura Sara ma da me'tsa 'nará t'u.”

<sup>10</sup> Y hingue hõnse ra Isaac bi huahna Ajuá, nehe ra Rebeca bi 'mú yoho yá t'u de 'nadra dada, go gue'a ndu ma xitahu ra Isaac, y de nú'u yoho ya t'u'u, 'natho bi huahna Ajuá nehe. <sup>11</sup> Y nú'bu hinxqui 'múitho nú'u ya t'u ne hinte xqui 'yot'atho nú'a xá hño o nú'a hinxá hño, Ajuá ya xqui huahna 'na de gue'u, pa njabu da hnequi xá hño gue nu'a huahna ya ja'i hingue po yá 'befi'u pe po nú'a xa beni'a, ngue'a nu'a zohni nú'a to'o go da ne'a. <sup>12</sup> Hangue ante da 'múi nú'u yoho ya t'u'u, Ajuá ya xqui 'ñembabi yá nana njaua: “Nura cu mada ma da mepi nú'a mbātsi.” <sup>13</sup> Y ja ma'na ra xeni de ra Maça T'ofu ma mahyegui habu Ajuá ena njaua: “Dá mađi ra Cobo ha nura Esaú dá utsa.”

<sup>14</sup> Nu'bu ¿xi te ga mañhubya? ¿Ha gue ga eñhu gue Ajuá hingui ot'a ra ts'utbi xá hño? Hina, hinga beñhu njabu. <sup>15</sup> Ngue'a go gues'e'a pe'tsa ra

nsɛqui, hangue bi 'ñemba ra Moise njaua: “Nugui dí huequi nú'a go ga ne ga huequi.” <sup>16</sup> Hangue dí pahꞰ gue 'nara ja'i hingui tsɛtua rá hmɛte AjuꞰ ngue'a go da nesɛ ra ja'i, nixi ngue'a da 'yɔt'asɛ ra ts'ɛdi. Hina, go AjuꞰ beni sɛɛ to'o gue'a ma da huequi'a. <sup>17</sup> Nehe ja ra Maca T'ofɔ xa t'ofɔ gue AjuꞰ bi xipabi ra Faraó nú'a mrá nda Egipto, y bi 'ñena njaua: “Stá hux'a'i pa gui nda, ngue'a dí ne da hneca ma ts'ɛdi ja gue'i pa da fadi to'ogui ne tengu ma ts'ɛdi ja gatho ra ximhai.” <sup>18</sup> Hangue ringue'a dí pahꞰ gue AjuꞰ ri huequi nú'a go da ne'a y ri japi da necio nú'a go da ne'a.

<sup>19</sup> Nu'bú, da ne 'nara ja'i da 'ñengui: “Nu'bú ¿hanja AjuꞰ ri condena ya ja'i? ¿To'o gue'a xa c'a'tsuabi nú'a rá paha'a?” <sup>20</sup> Pe nugui ga thatuabi'a ne ga embi: “¿To'o'igue pa guí nø'tua AjuꞰ? 'Nandi gue ra ts'e dega dohmi ma da nø'tuabi nú'a to'o bi hyoqui ne da 'ñembi: ‘¿Pa te xcá hogagui njaua?’ <sup>21</sup> Nura hyocatraste tsa da hyoca nú'a go da ne. Nu'á ha ra ts'ɛdi pa da hyoca de 'nadra bøhai 'nara ts'e dega nsu y nu ma'na pa ra 'bɛfi hingue dega nsu.”

<sup>22</sup> NjabꞰ nehe AjuꞰ masque mi ne xa 'ñudi gue ja rá ts'ɛdi'a ne nu'á ri castiga ya ts'o'mɛi gá ja'i, pe nu'á desde maya'bꞰ xa mɛ'tsuabi ndunthi ra pasencia ya ts'o'mɛi gá ja'i, pe 'mɛfa ma da castiga'Ʞ ngu xa beni y ngu nú'a rí 'ñepabi'Ʞ. <sup>23</sup> Nu'á bi 'yɔt'a njabꞰ pa bi 'ñudi tengu rá ndangui rá nsunda ja guecꞰ, ngue'a xi xa mɛscaguihꞰ ra nthecate núju to'o xa beni desde maya'bꞰ ma ga 'bꞰhꞰ 'nadbꞰ ja rá nsunda'a. <sup>24</sup> Nu'á xa zoncahꞰ pa ga 'bꞰhꞰ con gue'a, masque dyá xodyohꞰ o hindyá

xodyoh<sub>u</sub>. <sup>25</sup> Ra badi Osea bi 'yofo de guehna ja ra Maça T'ofogue Aju<sub>a</sub> bi 'ñena njaua:

Ma ga hu'mbabi gue ma hnini nú'<sub>u</sub> hingue ma hninihma<sub>a</sub>,

y nú'<sub>u</sub> hinduí ma<sub>d</sub>ihma<sub>a</sub>, go gue'<sub>u</sub> ma ga ma<sub>d</sub>i.

<sup>26</sup> Nu hab<sub>u</sub> bi t'embabi ya ja'<sub>i</sub> njaua: “Nu'ah<sub>u</sub> hingo ma hninih<sub>u</sub>”,

nuni ja guehni ma da thu'mbabi gue go gue'<sub>u</sub> yá t'<sub>u</sub> Aju<sub>a</sub> nú'<sub>a</sub> te.

<sup>27</sup> Nehe ra badi Isaía bi ma de ra hnini Israel, y bi 'ñena: “Masque ya me Israel da ndunthi ngu rá ndunthi ra 'bomu ja ra ñanga ndehe, pe hus-thoho to'o ma da mpøhø de gue'<sub>u</sub>. <sup>28</sup> Ngue'<sub>a</sub> Aju<sub>a</sub> masectho da huata ndunthi de gue'<sub>u</sub> ngu nú'<sub>a</sub> xqui 'yε'mbi asta hinda gohi 'na zi t<sub>u</sub>itho.” <sup>29</sup> Nehe go guet'<sub>a</sub> ra Isaía bi 'yofo 'met'o ja ma'na ra xeni de rá t'ofog<sub>a</sub>, ne bi 'ñena:

'B<sub>u</sub> Aju<sub>a</sub> nú'<sub>a</sub> ri nd<sub>a</sub> de ya mundo εnxε mahets'i hinxa huegaguih<sub>u</sub> ne hinxa zogaguih<sub>u</sub> hmaha<sub>a</sub> 'raya ja'<sub>i</sub>,

nu'bú stá njah<sub>u</sub> ngu bi nja ra hnini Sodoma ne Gomorra nú'<sub>u</sub> bi nhuati gatho.

*Ya me Israel ne ra maça hoga t'øde*

<sup>30</sup> Nu'bú dí pahabya gue ya ja'<sub>i</sub> hinyá me Israel nú'<sub>u</sub> himbi 'yøt'a ra ts'edi pa da 'm<sub>u</sub>i xá hño co Aju<sub>a</sub>, go gue'<sub>u</sub> ya 'b<sub>u</sub>i xá hño con gue'<sub>a</sub>, ngue'<sub>a</sub> ya xa gamfri bi rá noya'<sub>a</sub>. <sup>31</sup> Pe nuya me Israel mi øt'a ra ts'edi pa da 'yøt'a nú'<sub>a</sub> m<sub>a</sub>nga ra ndaxjua ley pa xa 'mahma<sub>a</sub> xá hño co Aju<sub>a</sub>, pe nu'ú himbi za bi 'm<sub>u</sub>i xá hño con gue'<sub>a</sub>. <sup>32</sup> ¿Hanja himbi za bi 'm<sub>u</sub>i xá hño? Himbi za ngue'<sub>a</sub> mi honi da 'm<sub>u</sub>i xá hño co Aju<sub>a</sub> h<sub>ø</sub>nda po ya 'b<sub>e</sub>fi nú'<sub>a</sub> m<sub>a</sub>nga ra ley pe hingue

po ra jamfri de ra Zidada Jesucristo. Hangue nu'ú bi hñaxa 'nara mfe'tse ja nú'a xa t'embabi “ra Mfe'tsado.”<sup>33</sup> Ngu ena Ajuá ja ra Māca T'ofó:  
 Dí pēgui nuni Sión 'nara do pa da mfe'tsa ya ja'i,  
           'nara dānga do nú'a japi da dagui,  
 pe nu'a tó'o da gamfri'a hinda ma da 'bε rá tsa,  
           ngue'a nú'a xa gamfri gue'a majuani.

## 10

<sup>1</sup> Zi cuh<sub>u</sub>, xi dí ne con gatho ma coraso gue da mpøhø ra hnini Israel, y gue'a dí apabi Ajuá. <sup>2</sup> Dí damajuani de gue'ū gue xi øt'a ra ts'edi pa da dēni Ajuá, pe hingui øt'e'ū co ra mfaði. <sup>3</sup> Ngue'a nu'ú hingui tso yá mfeni nú'a xa mānga Ajuá de hanja da za da 'mūi xá hño ja rá thandi'a, ne nu'ú ri 'ramanu de gues'e'ū pa da 'mūi xá hño hmaha ja rá thandi'a, hangue nu'ú fe'tsuabi nú'a mā Ajuá. <sup>4</sup> Ngue'a pa nú'ū to'o camfri ra Zidada Jesucristo ya hinte ri muui ra ndaxjua ley pa da za da 'mūi xá hño ja rá thandi Ajuá.

<sup>5</sup> Ra Moise bi mā de nú'ū to'o da demba ra ndaxjua ley pa da 'mūi xá hño ja rá thandi Ajuá, ne bi 'ñena gue nu'a tó'o da 'yøt'e gatho ngu nú'a mānga ra ley, go gue'a da zūdi ra te ngue'a xa 'yøt'e gatho ngu ri manda. <sup>6</sup> Pe nu'a tó'o da gamfri ra Zidada Jesucristo pa da 'mūi xá hño ja rá thandi Ajuá, ja ra Māca T'ofó mānga njaua: “Oxqui bensehe njaua ja ri coraso ne gui 'ñena: ¿To'o da za da bøxa ja mahets'i? —nuna guehna pa da tsincahu ra Zidada Jesucristo. <sup>7</sup> Nixi oxqui bensehe njaua ja ri coraso gui 'ñena: ¿To'o da za da gai asta habū bí 'bū nú'ū xa du?” —nuna guehna pa da yopa tsi ra Zidada Jesucristo de ja ya du. <sup>8</sup> Nu'a



xá hño gui beni, ngu nú'a m̄anga ra M̄aca T'ofu ne ena: “Ya xcá 'yøde nú'a xa m̄anga Ajuá, y nú'a xa mañ'a xa zo ja ri mfeni, y nu'á go gue'a ya xcá ma.” Njabu m̄anga ra M̄aca T'ofu. Y nú'a xa m̄anga Ajuá go guehna ra noya dega jamfri dí mañhu, ne ena njaua: <sup>9</sup> Nu'bu gui mā gue ra zi Hmu Jesu go gue'a ri Hmu, ne 'bu gui camfri ja ri coraso gue Ajuá ra Dada bi 'yøt'e pa bi yopa nte'a de ra du, nu'bú ma gui mpøhø. <sup>10</sup> Ngue'a nu'bu ga camfrihu ja ma corasohu, nu'bú Ajuá ma da mā gue ya hinte ma ts'oqui dí tuh, y nu'bu ga mañhu gue dí camfrihu ra zi Hmu Jesucristo, nu'bú ga mpøhøhu.

<sup>11</sup> Ngue'a enga ja ra M̄aca T'ofu njaua: “Nu'a tó'o da gamfri'a hinda ma da 'be rá tsa, ngue'a nú'a camfri gue'a majuaní.” <sup>12</sup> Ra M̄aca T'ofu bi 'ñena gue nu'a tó'o da ne da gamfri, dá gamfri, ngue'a otho ni 'nara nthahni dega xodyo ni nú'u hingyá xodyo, ngue'a ra Zidada go gue'a ra Zidada pa gatho, nehe ra memati'a pa gatho nuto da hyomba rá mfats'i'a. <sup>13</sup> Ngue'a ra M̄aca T'ofu ena gue gatho nuto da 'yapa ra Zidada da mpøhø, da pøhø'a. <sup>14</sup> Pe ¿hanja da za da 'yapabi 'na gue da pøhø 'bu hingui camfri gue 'bui? Y ¿hanja da za da gamfri 'bu hinxa 'yøde de gue'a? Y ¿hanja da 'yøde 'bu jo'o to'o da xipabi? <sup>15</sup> Y ¿hanja da za to'o da ma da manba rá noya Ajuá 'bu hinto xa mēhni? Y ya xa 'behni nú'u to'o manba rá noya Ajuá, ngue'a enga ja ra M̄aca T'ofu: “¡Hangu ra johya dí pē'tshu ngue'a xa zøhø nú'u to'o bra hña 'nara hoga t'øde gue gatho ma da 'mui te rá 'ñentho!”

<sup>16</sup> Pe hingue gatho ya ja'i xa ne xa 'yøde ra m̄aca hoga t'øde. Ngu xqui m̄anga ra badi Isaía maya'bu, ne bi 'ñena: “Zi Hmu, hinxa ne to xa gamfri numa

noyahũ.” <sup>17</sup> Hangue pa da za da gamfri 'na, mahyoni da 'yøde 'na, y mahyoni dra hma de ra Zidada Jesucristo pa njabũ da nt'øde de gue'a.

<sup>18</sup> Pe dí ena: ¿Ha gue hinxa 'yøde'ũ? ¡Haha, xi majuani ya xa 'yøde'ũ! Ngue'a engu ja ra Maça T'ofu:

Gatho ja ra ximhai xa nt'øde yá noya'ũ.

Haha gatho maxøgue ra ximhai xa njabũ.

<sup>19</sup> Ma'na'qui dí ma: ¿Ha gue himbi unga nguenda ya me Israel? Haha, bi unga nguenda, ngue'a ra Moise bi ma rá mudi gue Ajuã bi 'ñena:

Nugui ma ga japi nú'ũ ya ja'i hingo ma hnini hma, y nu'ahũ ma da zøt'a ri muhũ por gue'a.

Por nuya japi ma ga umba ya 'ñamfadi gá ja'i, nu'ahũ ma da bø ri cuhũ.

<sup>20</sup> Nepũ ra badi Isaia himbi ntsu bi ma gue Ajuã bi 'ñena njaua:

Nu'ũ himi hongagui go gue'ũ bi zucagui,

ha nu'ũ himri 'ñanigui dá ma dá tsudiga'ũ.

<sup>21</sup> Nehe bi 'ñena de ya me Israel gue Ajuã bi 'ñena njaua: “Nugui hindá tsaya dá zofo nuya ja'i pa xa ñobrihma, pe nu'ú himbi ne bi 'yøde ngue'a xi ya ts'o'yøde ne ya nøt'e.”

## 11

*Ajuã bi huahna 'raya me Israel hangue nu'ú bi mpøhø*

<sup>1</sup> Nu'bú, ¿ha gue ga beñhũ gue Ajuã xa hyepũ rá hnini? ¡Hina, hinhya'mũ! Ngue'a nequi drá me Israel stí 'ñehe de yá ja'i ra Benjami de rá ji ra Abrá. <sup>2</sup> Ajuã hinxa zogui rá hnini nú'a bi 'ñembi gue go rá hnini'a de rá mudi. ¿Ha gue hinguí pahũ te mangua ra Maça T'ofu habũ ma de ra Elía, gue

nu'á mi manbabi ra hnini de Israel co Ajuá? Ne bi 'ñena njaua: <sup>3</sup> “Ma zi Hmu'i, nuna hniniṅa xa hyop'a'i gatho ri 'mehni, ne xa huata gatho ri ata. Y de gatho nú'ḡ to'o mi camfri'i hõnseḡui dí pongui, y nu'á xi honi hanja da hyogaguihma.” <sup>4</sup> Nu'bú Ajuá bi datuabi njaua: “Dí pe'tsitho yoto 'mo ya 'ñøhø pa da nsundagui, nú'ḡ hinxa ndandiñahmu ja rá thandi ra c'oi Baal.” <sup>5</sup> Nehe njabḡ nuya pabya xa gohi hõnse 'na zi tui ya me Israel nú'ḡ xa huahna Ajuá co rá hñojá'i. <sup>6</sup> Y 'bḡ bi huahni co rá hñojá'i, nu'bú hingue po yá 'bɛfi øt'e'ḡ. 'Bḡ di gue'a dega 'bɛfi hma, nu'bú Ajuá hindi øt'e co rá hñojá'i.

<sup>7</sup> Xibya çte ga beñḡ de nú'a thogui ya me Israel? Nu'ḡ ya me Israel mi ndunthi, himbi zudi hanja da za da 'mḡi xá hño co Ajuá, pe nu'ḡ 'na tui xqui thahni, nu'á ha, bi za bi 'mḡi xá hño ja rá thandi Ajuá. Y nu'ḡ ya me Israel mi ndunthi, bi meguibi yá mfeni, y himbi ne bi gamfri nú'a bi mḡa Ajuá. <sup>8</sup> Ngu xa nt'ofu ja ra Maça T'ofu: “Ajuá bi japi'ḡ bi mpumfri, bi japi bi ngoda pa hinda hyandi, nehe bi japi bi ngogu pa hinda 'yøde asta mapaya.” <sup>9</sup> Y ra Davi bi mā de ya japi xqui t'umba ya me Israel, bi t'ents'ua ra 'ñḡ ne bi 'ñena njaua:

Nuyá mexa da 'bø'tsuabi gue'a da ngu 'nara xit'a  
ne 'nara trampa habḡ da zo'ḡ,  
y ja da japini da gut'i nú'a tu'ḡ.

<sup>10</sup> Dá njot'a yá da'ḡ pa hinda hyandi,  
y dá ndoqui nzantho co yá 'bats'i ri du.

*Ajuá hinxa 'mɛdi pa nzantho nurá hmate co ya xodyo, hangue nú'ḡ hingyá xodyo rí 'ñepi da su yá jamfri*

11 Nu'bú, xi nú'á, ¿ha gue xa 'betuabi rá hmate Ajuá pa nzantho po yá 'ñajamfri? ¡Hina, hinhya'mu! Pe po yá nts'o'yøde'ü bi zü ra mpøhø gatho ma'ra ya hnini, pa njabü da nuhu yá mfeni ya me Israel pa da yopa hñani'ü ra japi ngu nú'a xa hñanga ma'ra ya hnini hingyá xodyo. 12 Ya gue po rá nts'o'yøde ra hnini Israel bi nja ra hño pa gatho ya meximhai, ne bi nja 'nara ðanga japi pa nu ma'ra ya hnini hingyá xodyo, nu'bú ¡tengu hma ra japi da hñanga nú'ü hingyá xodyo nú'a ra pa ya xodyo da gamfri Ajuá!

13 Nú'ahü hingyá xodyohü, ja'a dí ne ga xi'ahü. Ajuá bi hñuxcagui dega apostol pa gue'ahü nú'ahü hingyá xodyohü, hangue dí e'tsua rá nsu ma 'bëfi 14 pa xahmä da za ga nupa yá mfeni 'ra de nú'ü ma mixodyo'be da ne da hñanga nehe nú'a ra japi xcá hañhü, ne da mpøhø'ü. 15 Ya gue Ajuá bi hyεpü ya xodyo ne go bi japi gatho ya meximhai ngue'a bi 'yøt'e pa bi za bi 'müi xá hño con gue'a, nu'bú ¡tengu ra japi ma da umbabi'ü nu sta yopa munts'a ya xodyo ma'na'qui! Ne nura japi'a go gue'a 'nara 'ra'yo te. 16 Nu'bü Ajuá bi huahna ya müdi xita de ra hnini Israel pa dyá meti'a, nu'bú gatho ra hnini Israel go rá metitho Ajuá, nja ngu 'nara 'bai gá za, 'bü Ajuá ri japa yá 'yü, nehe yá 'yeza njapi, y nehe nja ngu ya hme, 'bü ra müdi hme njapi, nu'bú gatho ra bola jüni njapi.

17 Ngu 'nara 'bai gá hoga olivo da ts'εcua 'nará 'yeza ne da cueta 'nará 'yeza ra mbanga olivo pa nu'á da zipa rá ngui rá 'yü nú'a ra hoga olivo, njabü nehe 'raya xodyo bri t'equé de Ajuá ne nú'ahü hingyá xodyohü go xra hmunts'a'ihü pa

dyá hnini'ih<sub>u</sub> Ajuá nehe, ne xcá hñānih<sub>u</sub> yá japi Ajuá. <sup>18</sup> Masque'a oxqui ndānguih<sub>u</sub> de ya xodyo, ngue'a guí pādih<sub>u</sub> gue hingo ya 'yεza ri umba ra te yá 'y<sub>u</sub> ra za, nuya 'y<sub>u</sub> go gue'<sub>u</sub> ri umba ra te ya 'yεza.

<sup>19</sup> Nu'ah<sub>u</sub> ma gui 'ñenah<sub>u</sub>: “Ya 'yεza bri ts'equi pa bi za bri juetcah<sub>u</sub>.” <sup>20</sup> Majuāni, bri t'equē'<sub>u</sub>, pe bri t'equē ngue'a himbi ne bi gamfri'<sub>u</sub>. Ha nu'ah<sub>u</sub> ya rá hnini'ih<sub>u</sub> Ajuá ngue'a guí camfrih<sub>u</sub>. Hanguē oxqui ndānguih<sub>u</sub>. Nu'a guí 'yōth<sub>u</sub>, tsuh<sub>u</sub> Ajuá. <sup>21</sup> Nu'b<sub>u</sub> Ajuá xa castiga ya xodyo nú'<sub>u</sub> to'o ngu ya 'yεza hingá njuete, nehe nú'ah<sub>u</sub> hingyá xodyoh<sub>u</sub> y guí njah<sub>u</sub> ngu ya 'yεza xa njuete, da za da castiga'ih<sub>u</sub> nehe. <sup>22</sup> Hanguē dá zo ri mfenih<sub>u</sub> nú'a bi 'yōt'e Ajuá, njab<sub>u</sub> ngu ra hoja'i, njab<sub>u</sub> ra zate nehe. Bi nhyoja'i con gue'ah<sub>u</sub>, ha nu'<sub>u</sub> ya xodyo bi nts'o'yøde, bi 'ueque'<sub>u</sub>. Hanguē nu'a mahyoni guí 'yōth<sub>u</sub>, sigui guí 'b<sub>u</sub>h<sub>u</sub> ja rá hñōja'i, ngue'a nu'b<sub>u</sub> hina, da 'uec'a'ih<sub>u</sub> nehe. <sup>23</sup> Y nehe nuya xodyo nu'b<sub>u</sub> hinda sigui yá 'ñajamfri, nu'b<sub>u</sub> dra yopa cuete ja ra 'bai gá olivo hab<sub>u</sub> mi tōgue'<sub>u</sub>, ngue'a Ajuá ja rá ts'edi pa da yopa cuete'<sub>u</sub>. <sup>24</sup> Ngue'a 'b<sub>u</sub> nú'ah<sub>u</sub> hingyá xodyoh<sub>u</sub> ngu gyá 'yεzah<sub>u</sub> de 'nara mbānga olivo, xa ts'εc'ah<sub>u</sub> de ri 'baih<sub>u</sub>, y bi za bri juet'ah<sub>u</sub> ja ra hoga olivo masque nu'ah<sub>u</sub> grá mbānga olivoh<sub>u</sub>, jxihmā ya xodyo gue go gue'<sub>u</sub> ya 'yεza yá mēti ra hoga 'bai gá olivo, ma'na da za da ncuete ma'na'qui ja rá 'bai!

### *Rá ngats'i ma da mpøhø ra hnini de Israel*

<sup>25</sup> Zi cuh<sub>u</sub>, dí ne gui pādih<sub>u</sub> nuna mfādi xqui nt'agui hmāhā. Dí ne gui pādih<sub>u</sub> pa hingui beñh<sub>u</sub> gue hønsε'ih<sub>u</sub> xa huahn'ah<sub>u</sub> Ajuá. Pāh<sub>u</sub> gue

masque Ajuá xa japi xa megui yá mfeni ndunthi ya me Israel, pe 'ra de gue'ᵤ xa mɛ'tsitho ja rá hnini'a. Pe hingue pa nzantho ma da megui yá mfeni, hønse asta hinda zøxa ra 'bede de nuya ja'i hingyá xodyo nú'ᵤ ma da mpøhø. <sup>26</sup> Nepᵤ de gue'a gatho ya me Israel ma da mpøhø. Ma da nja ngu xa t'ofø ja ra Maça T'ofø ne ena:

Nuni Sión nú'a rá hnini Ajuá ja ma drí 'ñehni ra Ñante  
nú'a ma da xᵤcuabi yá ts'ot'øt'e ya me Israel nú'ᵤ  
yá ja'i ra Cobo.

<sup>27</sup> Y nu xcrá xᵤcuabi yá ts'oqui'ᵤ,

ya stá cumpli ma cohi nú'a stá cohi con gue'ᵤ.

<sup>28</sup> Pa da za da ntᵤnga ra maça hoga t'øde ja ma'ra ya hnini ngu xa beni Ajuá, nu'a xa hyanda ya xodyo ngu yá ncontra'a, pa go da jap'a'ihᵤ nú'ahᵤ hingyá xodyohᵤ. Pe Ajuá maðitho ya xodyo po rá ngue yá xita'ᵤ nú'ᵤ bi huahni'a. <sup>29</sup> Ajuá hingui pata rá mfeni. Nú'a da uni, hinda ma da hñáqui, ne hinda ma da hyepᵤ nú'ᵤ to'o xa huahni'a.

<sup>30</sup> Nú'ahᵤ hingyá xodyohᵤ hingüí camfrihmaᵤ Ajuá, pe nubyá co rá nthe cate Ajuá bi jap'a'ihᵤ ngue'a ya xodyo himbi ne bi gamfri ra zi Hmu Jesucristo. <sup>31</sup> Nubyá nuya xodyo bi 'ñagamfri, pe bi njabᵤ pa 'mɛfa, co rá nthe cate Ajuá da japi'ᵤ ngu bi jap'a'ihᵤ. <sup>32</sup> Njabᵤ Ajuá bi zotho gatho co yá 'ñajamfri, gue dya xodyo gue hindya xodyo, pa 'mɛfa da huequi'ᵤ mahyɛgui.

<sup>33</sup> ¡Xi ra dangui rá mɛadi Ajuá, ngue'a paði gatho nú'a t'øt'e, y paði hanja da 'yøt'e gatho nú'a go da ne! Hinda za to da baði gatho nú'a te beni Ajuá, ne hinda za to da baði hanja øt'e nú'ᵤ ya

danga 'bɛfi øt'e'a. <sup>34</sup> “¿To'o gue'a patuabi rá mfeni Ajuá? y ¿to'o gue'a xa 'yo'mbabi rá 'ñu'a? <sup>35</sup> Y ¿to'o 'mɛt'o xa nja te xa umbabi Ajuá, pa njab<sub>u</sub> Ajuá da co'tsuabi'a?” <sup>36</sup> Nguetho go guesɛ'a bi hoqui gatho nú'a te ja, y gatho o ja rá 'yɛ'a, y gatho'\_{u} pa rá nsunda'a. Y nu'á drá nsunda pa nzantho. Njab<sub>u</sub> gue'a.

## 12

*Ga umf<sub>u</sub> Ajuá gatho ma teh<sub>u</sub> pa ga pɛph<sub>u</sub> ngu ne'a*

<sup>1</sup> Nubyá, ma zi cu'ih<sub>u</sub>, xcá hyanth<sub>u</sub> rá ndangui rá nthecate Ajuá xa 'yøtcah<sub>u</sub>. Hangué dí bante'ih<sub>u</sub> gue gui daph<sub>u</sub> Ajuá gatho ri teh<sub>u</sub>. Gue'a 'nara hñá'ti strá nt'axi ngu nú'a ri ho'a, ngue'a nu'b<sub>u</sub> guí øth<sub>u</sub> njab<sub>u</sub>, guí xøcambenih<sub>u</sub> Ajuá co ri corasoh<sub>u</sub>. <sup>2</sup> Oxqui tɛnbah<sub>u</sub> yá 'm<sub>u</sub>i nú'\_{u} ya ja'i 'yo ja ra ts'oqui. Nu'a gui 'yøth<sub>u</sub>, tɛnda ri 'ra'yo mfenih<sub>u</sub> pa njab<sub>u</sub> xi gui 'b<sub>u</sub>h<sub>u</sub> 'nara 'ra'yo 'm<sub>u</sub>i, y 'b<sub>u</sub> gui njah<sub>u</sub>b<sub>u</sub> ma gui pätuah<sub>u</sub> nda'a rá paha Ajuá gui 'yøth<sub>u</sub>, y nú'a rá paha'a gue'a nú'a gui 'yøth<sub>u</sub> nú'a xá hño ne nú'a ri ho'a, ne gui 'b<sub>u</sub>h<sub>u</sub> xá hño ja rá thandi'a.

<sup>3</sup> Ajuá xa 'racagui nuna ra nsu dega apostol po rá hñoja'i, hangue ma ga xi'ah<sub>u</sub> nda'a rí 'ñepi gui 'yøth<sub>u</sub>. Oxqui ma gui beñ<sub>u</sub> gue gyá danguih<sub>u</sub> y masque hina. Benih<sub>u</sub> xá hño ne hyandasɛh<sub>u</sub> hangu rá ndunthi ri jamfrih<sub>u</sub> nú'a xa 'ra'ah<sub>u</sub> Ajuá cada 'na de gue'ah<sub>u</sub>. <sup>4</sup> Ngue'a nja ngu ma ndo'yoh<sub>u</sub> dí pɛ'tsh<sub>u</sub> ndunthi ya xɛni pe gatho ya xɛni hingue

'nada yá 'bɛfi pɛfi. <sup>5</sup> Njab<sub>u</sub> nehe masque dí ndunthi<sub>u</sub>, pe dí 'nada ra ndo'yoh<sub>u</sub> co ra Zidada Jesucristo, y gatho núj<sub>u</sub> ngu dyá xɛnih<sub>u</sub> de 'nada ra ndo'yo.

<sup>6</sup> Ne 'rama'na'ño ya mfadi ne ra ts'edi xa 'racaguih<sub>u</sub> Aju<sub>u</sub> po rá hñoja'i'a pa ga pɛfih<sub>u</sub> nú'a ra 'bɛfi xa 'racaguih<sub>u</sub>. 'B<sub>u</sub> 'nara cu xa t'umbabi 'nara ts'edi pa da mamba rá noya Aju<sub>u</sub>, dá mañ'a ngu rá ndunthi ra jamfri pɛ'tsi'a. <sup>7</sup> Nu'a tó'o xa t'umba ra ts'edi pa da mfaste, dá mfaste. Ha nu'a tó'o xa t'umba ra ts'edi pa da nxahnate, dá nxahnate. <sup>8</sup> Nu'a tó'o xa t'umba ra mfadi pa da unga ra ts'ofu, dá nzote'a, ha nu'a tó'o xa t'umba ra ts'edi pa da unga 'nara mfats'i, dá uni con gatho rá mui. Nu'a tó'o xa t'umba ra ts'edi pa da nda, dá nda con gatho rá mfeni, ha nu'a tó'o xa t'umba ra ts'edi pa da mats'i nú'u to'o othobi, dá mats'i con gatho rá mui.

### *Nú'a rí 'ñepi da mɛfi ra gamfri*

<sup>9</sup> Dá nja ri hmateh<sub>u</sub> pa gatho ya ja'i, pe hingue de maxøts'etho. Utsah<sub>u</sub> nú'a xá nts'o, y tɛnh<sub>u</sub> nú'a xá hño. <sup>10</sup> Mádi<sub>u</sub> 'na ngu 'na co ra hmate nú'a xa 'ra'ah<sub>u</sub> Aju<sub>u</sub> ngue'a gyá cuh<sub>u</sub>, ne 'ñumbah<sub>u</sub> ra t'equ'ei 'na ngu ma'na.

<sup>11</sup> 'Yøth<sub>u</sub> ri 'bɛfih<sub>u</sub> con gatho ri ts'edih<sub>u</sub>. Ostí ma da z<sub>u</sub>'ah<sub>u</sub> ra ndahñei. Pɛpabih<sub>u</sub> ma Zidadah<sub>u</sub> ra Jesucristo con gatho ri muih<sub>u</sub>.

<sup>12</sup> Johyah<sub>u</sub> ngue'a guí tøm<sub>u</sub> ma gui 'b<sub>u</sub>h<sub>u</sub> ja rá nsunda Aju<sub>u</sub>. Tsɛth<sub>u</sub> gatho ya ts'othogui, ne oguí tsayah<sub>u</sub> gui 'yaph<sub>u</sub> Aju<sub>u</sub>.

<sup>13</sup> Faxh<sub>u</sub> ya cu nú'u hingui tsupi, ne umf<sub>u</sub> ntsaya nú'u to'o tsøñ'a'ih<sub>u</sub>.



14 'Yaph<sub>u</sub> Aju<sub>a</sub> da mats'i nú'u to'o ø't'ah<sub>u</sub> ra nts'o'm<sub>u</sub>i, oxqui tsañh<sub>u</sub>'u.

15 Johyah<sub>u</sub> co nú'u to'o ri johya, ne nzoni<sub>u</sub> co nú'u to'o zoni.

16 'B<sub>u</sub>h<sub>u</sub> mahyεgui co 'nadra hm<sub>ate</sub>, oxqui 'ñets'i<sub>h</sub> nixi gui 'uegueh<sub>u</sub> de ya zi hyoya cu. 'Yoh<sub>u</sub> mahyεgui coñ gue'u. Oxqui beñh<sub>u</sub> de ri mfenisçeh<sub>u</sub> gue gyá b<sub>am</sub>hy<sub>a</sub>h<sub>u</sub>.

17 Oxqui ø'tuah<sub>u</sub> ra nts'o'm<sub>u</sub>i nú'a to'o da 'yø't'ah<sub>u</sub> ra nts'o'm<sub>u</sub>i. Nu'a gui 'yøth<sub>u</sub>, gui jamasuh<sub>u</sub> gui 'yoh<sub>u</sub> xá hño ja yá thandi gatho ya ja'i. 18 'Yøth<sub>u</sub> 'nara ts'edi asta hab<sub>u</sub> da za pa gui 'b<sub>u</sub>h<sub>u</sub> 'nara hoga'm<sub>u</sub>i con gatho ya ja'i. 19 Ma zi hm<sub>adi</sub> cu'i<sub>h</sub>, oxqui co'tsuah<sub>u</sub> nú'a da 'yø't'ah<sub>u</sub> ya ts'o'm<sub>u</sub>i, tsocuathoh<sub>u</sub> Aju<sub>a</sub>, ngue'a Aju<sub>a</sub> m<sub>a</sub> ja ra Maça T'of<sub>o</sub> ne ena: “Nugui hønsegui tsa ga co'tsuabi nú'u to'o ø't'a ra nts'o'm<sub>u</sub>i, nugui go ga unga ra njut'i.” 20 Nehe ena njaua: “Nu'b<sub>u</sub> ri ncontra ts<sub>u</sub> ra thuhu, umbabi te da zi, ha nu'b<sub>u</sub> ts<sub>u</sub> ra nduthe, umba ra dehe da zi. Nu'b<sub>u</sub> gui 'yø't'e njab<sub>u</sub>, nu'b<sub>u</sub> nú'a da ntsø'mi ndunthi.” 21 Oxqui hoñh<sub>u</sub> hanja gui 'yøth<sub>u</sub> 'nara 'ñ<sub>u</sub>. Gatho nú'a to'o da 'yø't'ah<sub>u</sub> 'nara 'ñ<sub>u</sub>, co'tsuabi co 'nara hño, y njab<sub>u</sub> ma gui nt<sub>a</sub>teh<sub>u</sub> de ra 'ñ<sub>u</sub>.

## 13

1 Gatho ya ja'i rí 'ñepi da 'yøte nú'u to'o h<sub>a</sub> ra ts'utbi, ngue'a go Aju<sub>a</sub> xa hñuxa gatho ya ts'utbi ja ra ximhai. Nehe go gue'a xa hñuts'i nú'u to'o h<sub>a</sub> ra ts'utbi. 2 Hangue nu'u tó'o nø'tua ra ts'utbi, go gue'u nø'tua nú'a xa manda Aju<sub>a</sub> nehe. Y nu'u tó'o nø'tua ra ts'utbi, go honse ra castigo. 3 Ya nd<sub>a</sub> hinxa thuts'i pa da zu nú'u to'o ø't'e xá hño, nu'ú

xa thuts'i pa da zu nú'u to'o hingui øt'e xá hño. Hangué nu'b<sub>u</sub> hinguí neh<sub>u</sub> te da xi'ah<sub>u</sub> nú'u to'o h<sub>a</sub> ra ts'utbi, nu'b<sub>u</sub> 'yøth<sub>u</sub> gatho nú'a xá hño, y njab<sub>u</sub> nu'ú da ñamañho de gue'ah<sub>u</sub>. <sup>4</sup> Nu'ú go gue'u yá 'bεgo Aju<sub>a</sub> pa ri hñoh<sub>u</sub>. Pe 'b<sub>u</sub> gui 'yøth<sub>u</sub> nú'a hingui ho, rí 'ñepi gui tsuh<sub>u</sub>'u, ngue'a nu'ú h<sub>a</sub> ra ts'edi pa da castiga'ih<sub>u</sub>, ngue'a Aju<sub>a</sub> go gue'a xa hñuts'i'ih<sub>u</sub> pa da castiga gatho nú'u to'o hingui øt'e xá hño. <sup>5</sup> Hangué mathoni gui 'yøteh<sub>u</sub>'u, ne hingue hønse pa hinda castiga'ih<sub>u</sub>, nehe pa gui 'yøteh<sub>u</sub> nú'a xi'ah<sub>u</sub> ri mfenih<sub>u</sub>. <sup>6</sup> Hangué nehe dí juth<sub>u</sub> ya njut'i ja ra gobierhnu, ngue'a nu to'o h<sub>a</sub> ra ts'utbi go yá mεfi Aju<sub>a</sub>, ne nu'ú xi ri 'ramanu da mεfi nuna 'bεfina.

<sup>7</sup> Ju'tuabih<sub>u</sub> gatho nú'u to'o guí tuph<sub>u</sub>. Jut'a ri co-tah<sub>u</sub>, jut'a ri rentah<sub>u</sub>. Nu'u tó'o rí 'ñepi gui umf<sub>u</sub> ra t'equ'ei, umf<sub>u</sub>, ha nu'u tó'o rí 'ñepi gui numansuh<sub>u</sub>, numansuh<sub>u</sub>. <sup>8</sup> Oto guí tuph<sub>u</sub> ni 'nara thai, hønse gui beñh<sub>u</sub> gue rí 'ñepi gui mádi'ih<sub>u</sub> 'na ngu ma'na, ngue'a nu'a tó'o mádi rá miqu'eiui ya bi cumpli ra ley. <sup>9</sup> Nu'ah<sub>u</sub> guí pah<sub>u</sub> ya hmanda nú'u m<sub>a</sub>nga ra ley ne ena: “Oxqui ntsinga medinthati, oxqui hñote, oxqui mpe, oxqui j<sub>u</sub>'tsua ya nc'uamba ri miqu'eiui, oxqui hyøcua nú'a pε'tsa ri miqu'eiui.” Pe nuya ya hmandaya ne nú'u ma'ra ya hmanda, gue'a mahyεgui nú'a ra hmanda ena: “Mádi ri miqu'eiui ne su ngu grí nsu sεhc.” <sup>10</sup> Ngue'a nu'a tó'o pε'tsa ra hm<sub>a</sub>te, hingui ø'tua ra nts'o'mai rá miqu'eiui, hangué nu'a tó'o pε'tsa ra hm<sub>a</sub>te go gue'a ri cumpli ra ley.

<sup>11</sup> De dí øth<sub>u</sub> gatho núya ngu dí xi'ah<sub>u</sub>, ga beñh<sub>u</sub> de nuya ya pa dí 'b<sub>u</sub>h<sub>u</sub> ne ga japh<sub>u</sub> da nu

ma mfenih<sub>u</sub>, ngue'a ma Zidadah<sub>u</sub> ya ma'na 'bui guet<sub>u</sub> de nú'a ndá camfrih<sub>u</sub> pa e da ñangaguih<sub>u</sub> de nuya ts'othogui dí thoh<sub>u</sub>ua ja ra ximhai. <sup>12</sup> Ya 'yo rí thogui ra 'bexuui, 'yo rí mōca ra xudi. Hangué mathoni ga tsoguih<sub>u</sub> ya ts'o'bēfi dega 'betsa ngu nú'u øt'a ya ja'i dega xuui. Ya ga hñoc<sub>u</sub> pa ga øth<sub>u</sub> ya hoga 'bēfi dega pa, ngu ri hñoca 'nara soldado pa da ma ja ra tuhni. <sup>13</sup> Ga 'yoh<sub>u</sub> ngu rí 'ñehe ngu nú'u 'yo dega pa, hinga maha hab<sub>u</sub> ja ya ngo dega tixfani, nixi ga ntixfanih<sub>u</sub>. Hinga hñuxh<sub>u</sub> co nú'u to'o hingue xi ma 'behñah<sub>u</sub>, nixi ga 'yoh<sub>u</sub> ja ma'ra ya ts'ot'øt'e. Hinga 'ñøt'atuhnih<sub>u</sub>, y nixi ga ne ga nsehēh<sub>u</sub>. <sup>14</sup> Nu'a ga øth<sub>u</sub> hā, ma ga honbah<sub>u</sub> rá mfats'i ra Zidada Jesucristo pa ga 'yoh<sub>u</sub> ngu bi 'ño'a, y hinga hoñh<sub>u</sub> hanja ga øth<sub>u</sub> yá hne ma ndaxjua 'mūih<sub>u</sub>.

## 14

### *Hinda za to da nøni yá cu*

<sup>1</sup> Umf<sub>u</sub> nsequi da 'mūi ja ri nijah<sub>u</sub> nú'a to'o otho ndunthi rá jamfri, pe hingue pa gui ntsanoyah<sub>u</sub> con gue'a de nú'u ya mfeni xa g<sub>u</sub>. <sup>2</sup> Ngue'a 'ra camfri gue tsa da zi gatho nú'a ja te da ts'i; ha nu'u ma'ra tó'o otho ndunthi yá jamfri hingui ne da zi nu'araza, hønse ya zi c'ani. <sup>3</sup> Nu'a tó'o tsi gatho nú'a te ts'i, odi tsa nú'a to'o hingui tsi. Ha nu'a tó'o hingui tsi gatho nú'a te ts'i, odi 'yø de nú'a to'o tsi, ngue'a nu Ajuā bi 'yøt'a rá bātsi nu mi camfri'a. <sup>4</sup> ¿To'o'ih<sub>u</sub> pa guí 'yøbih<sub>u</sub> rá 'bēgo ma'na ra ja'i? ¿Ha hinguí pah<sub>u</sub> gue nurá hmu nú'a ra 'bēgo'a go gue'a da mā ua 'yo xá hño ua hina? Y njabatho nehe nuya cu'u, go guesē Ajuā ma da mā ua xá hño o

hingui ho nú'a øt'e'ɥ, hangue nu'ú ma da 'mɥi xá hño ja rá thandi Ajuá ngue'a go gues'e'a ja rá ts'edi pa da mats'i'ɥ.

<sup>5</sup> 'Ra camfri gue mathoni da thahna 'raya pa pa dra sɔcambeni Ajuá, ha nu ma'ra camfri gue gatho ya pa rí 'ñepi da thandi mahyεgui. Cada 'na rí 'ñepi da badi xá hño de nú'a te beni. <sup>6</sup> Nu'ɥ tó'o ri jamasu de ra pa, øt'e njabɥ pa da ho ra Zidada, ha nu'ɥ tó'o hini jamasu de ra pa, nehe øt'e njabɥ pa da ho ra Zidada. Y nu'ɥ tó'o tsi gatho nú'a te ts'i, nu'ú tsi pa rá nsunda Ajuá, ngue'a ri umba njamadi Ajuá. Ha nu'ɥ hingui tsi gatho nú'a te ts'i, nu'ú øt'e'ɥ pa rá nsunda Ajuá, y umba njamadi Ajuá nehe.

<sup>7</sup> Ngue'a ni 'na de guecjɥ hindí tehɥ pa ga øthɥ nú'a go ga nesɛɥ, y nu xcrá tuhɥ, hingo nú'a ra ora go ga huansɛɥ. <sup>8</sup> Ngue'a nu'bɥ dí tehɥ dí ohɥ ja rá 'yε ra Zidada ne dí 'bɥɥ pa rá nsunda'a, y nu'bɥ ga tuhɥ guet'atho dí ohɥ ja rá 'yε ne dí 'bɥɥ pa rá nsunda'a. Hangue nujɥ, nzantho dí ohɥ ja rá 'yε gue gra tehɥ gue hina. <sup>9</sup> Ngue'a pa guehna bi du ra Zidada Jesucristo y bi yopa nte pa bi Hmu de nú'ɥ te y de nú'ɥ xa du.

<sup>10</sup> Hangue nu'ahɥ ¿pa te guí 'yø ri cuhɥ? O ¿pa te guí utsahɥ ri cuhɥ? Ngue'a nu xcrá tuhɥ gathoguihɥ ma ga 'baihɥ ja rá thandi ra Zidada pa go da hñabgahɥ nguenda'a. <sup>11</sup> Ngue'a ma da njabɥ ngu xa t'ofu ja ra M̄aca T'ofu ne ena:

Nugui drá Ajuá dí te, hangue ma da njabɥ nú'a  
ma ga mā nubya, gue gatho ya ja'i ma da  
ndandiñahmu ja ma thandi,

ne da xɔcambenigui.

12 Hangue cada 'na de guecse<sub>H</sub> ma ga daph<sub>H</sub> nguenda Ajua.

*Ga nsuse<sub>H</sub> pa hinga japh<sub>H</sub> ma cuh<sub>H</sub> da 'yøt'a 'nara ts'oqui*

13 Hangue hinga 'ñø<sub>H</sub> 'na ngu ma'na. Nu'a ga øth<sub>H</sub> h<sub>a</sub>, ma ga nsuse<sub>H</sub> pa hinga japh<sub>H</sub> ma cuh<sub>H</sub> da 'yøt'a 'nara ts'oqui. 14 Nugui dí pa<sub>di</sub> xá hño gue gatho nú'a ja da ts'i hinxá nts'o, ngue'a njab<sub>H</sub> xa 'ñutcagui ra Zidada Jesucristo. Pe nu'a tó'o beni gue xá nts'o 'nara t'øt'e nú'a ts'i, pa nú'a to'o beni njab<sub>H</sub> h<sub>a</sub>, xá nts'o. 15 Hangue nu'b<sub>H</sub> guí tsi 'nara t'øt'e nú'a beni'a ri cu gue hingui ho da ts'i, y njab<sub>H</sub> da du rá m<sub>ai</sub>, nu'b<sub>ú</sub> nu'i ya hinguí 'yo co ra hm<sub>ate</sub>. Oxqui tsi 'nara t'øt'e nú'a da japi da 'm<sub>edi</sub> ma'na, ngue'a nehe po rá ngue'a bi du ra Zidada Jesucristo. 16 Hangue oguí honi pa hanja da hñama'ñ<sub>H</sub>'i, masque nu'i guí beni gue xá hño nú'a guí øt'e. 17 Núj<sub>H</sub> dí 'b<sub>uh</sub> ja rá hmanda Ajua, hingui oda ma mfenih<sub>H</sub> ya hñuni nixi ya ts'ithe. Nu'a oda ma mfenih<sub>H</sub>, nú'a ga 'yoh<sub>H</sub> xá hño, ne ga 'b<sub>uh</sub> te rá entho, ne ga johyah<sub>H</sub> co nú'a ra johya ri 'racaguih<sub>H</sub> ra Maça Nda<sub>hi</sub>. 18 Y nu'a tó'o pe<sub>pa</sub> ra Zidada Jesucristo co nuya hoga 'be<sub>f</sub>iya, Ajua ri ho'a. Nehe ya ja'i ma da hyandi gue 'yo xá hño'a.

19 Hangue ga øth<sub>H</sub> nú'a faxcaguih<sub>H</sub> pa ga 'b<sub>uh</sub> 'nara hoga'm<sub>ai</sub> 'na ngu ma'na, ne pa ga ntetua jamfrih<sub>H</sub> 'na ngu ma'na. 20 Oxqui ts'ocua rá 'be<sub>f</sub> Ajua por nú'a te gui tsi. Xi majua<sub>ni</sub> gatho nú'a te ts'i xá nt'axi, pe hingui ho gui tsi nú'a gui japi da nts'oca ri cu. 21 Xá hño hingui tsi ra ngø, nixi gui tsi ra vinu, nixi gui 'yøt'a ni 'nara t'øt'e nú'a gui japi da ts'ocua rá mfeni ri cu pa da zo ja ra ts'oqui o pa

da ts'ocua rá jamfri. <sup>22</sup> Nu'bu guí camfri da za gui tsi gatho nú'a te tsi, nu'bu zε ri jamfri guí pe'tsi ne paεui Ajuá. Nu'a tó'o beni gue xá hño nú'a øt'e, ne 'mεfa hinda ma da dahu de nú'a xa 'yøt'e, go gue'a njapi ngue'a padi gue xa 'yøt'e xá hño. <sup>23</sup> Pe nu'a tó'o ri dahu de nú'a te tsi, nú'a tu ra thai, ngue'a hingui tsi co rá jamfri, y gatho nú'a dí øthu ne 'bu dí camfrihu gue hinxá hño, gue'a 'nara ts'oqui.

## 15

### *'Yøthu nú'a da ho ri miqu'eihu*

<sup>1</sup> Núju dí zεdihu ja ma jamfrihu, rí 'ñepi ga pahu hanja ga tsetuahu ya mfeni xa gu nú'u ts'utho yá jamfri, y hinga øthu nú'a go dí nesεhu. <sup>2</sup> Cada 'na de guecju ga øthu nú'a da ho ma miqu'eihu pa yá hño'u ne pa da te yá jamfri. <sup>3</sup> Ngue'a nehe seε ra Zidada Jesucristo himbi 'yøt'e nú'a go rá paha seε. Nu'a bi zetuatho yá 'múi nú'u to'o mi utsa'a, ngu enga ja ra Maça T'ofu habu bi sipa Ajuá ne ena: “Stá tsetuatho yá nt'utsate nú'u to'o ri utsa'i.” <sup>4</sup> Ngue'a gatho nú'a bi t'ofu maya'bu ja ra Maça T'ofu, bi t'ofu pa ma nt'utuathu, pa njabu ngu nú'u bi zeta maya'bu y ngu bi thu'mba yá mui'u, njabu ma da thubga ma muihu nehe pa ma'na da ndangui ma nthø'matehu. <sup>5</sup> Nubyá nu Ajuá to'o faxcahu pa ga ntsetuahu ne 'racju ra humái, dá 'yøt'e pa gui 'bahu co 'nada ra mfeni ngu bi 'ñutcahu ma zi Hmuhu ra Jesucristo, <sup>6</sup> pa njabu co 'nadra mfeni ne 'nadra jahña gui nsundahu Ajuá ra Dada nurá Dada ma Zi Hmuhu ra Jesucristo.

*Bi sipabi ra maça hoga t'øde nú'u hingyá xodyo*

7 Hangue numahñohu 'na ngu ma'na, ngu bi núgaguihu ra Zidada Jesucristo pa rá nsunda Ajuá.

8 Dí ma gue ra Zidada Jesucristo bi 'ñe bi mepabi ya xodyo pa bi cumpli yá hñá'ti Ajuá nú'u xqui ñá'tuabi ndu yá xita'u, y njabu ra Zidada Jesu bi 'ñudi gue Ajuá øt'a gatho ngu nú'a ma. 9 Nehe bi 'ñehe pa ya ja'i hingyá xodyo da nsunda Ajuá po rá nthecate, ngu xa t'ofu ja ra Maça T'ofu ne ena:

Ja ya ja'i hingyá xodyo nugui ma ga mąnga tengu rá ndąngui ri thuhu,  
y ja ga tu't'a'ini ya jahñá.

10 Nehe engu ja ra Maça T'ofu:

Nú'ahu hingyá xodyohu, johyahu mahyεgui co rá hnini Ajuá.

11 Nehe ena:

Nsundahu Ajuá gatho nú'ahu hingyá xodyohu guí 'buhu ja gatho rá nguini ra ximhai.  
ne xocambenihu'a po yá dąnga t'øt'e.

12 Nehe ra bađi Isaía bi 'yofu ja ra Maça T'ofu ne ena njaua:

Ma da 'mu 'nara t'u de yá ja'i ra Isaí rá dada ra Davi, y nura t'u'a ma da nda ja ya ja'i nú'u hingyá xodyo, y nu'ú ma da gamfri'a.

13 Ajuá nú'a to'o 'racju ra hoga nthø'mate, dá 'ra'ahu ndunthi ra johya ne ra hmetho ja ri corasohu po ri jamfrihu, pa njabu ma'na da ndąngui ri nthø'matehu po rá ts'edi ra Maça Nđahi.

14 Ma zi cu'ihu, dí camfri gue xi ja ndunthi ri hñoja'ihu ne ja ndunthi ri mfadıhu y tsa gui nzofohu 'na ngu ma'na. 15 Masque njabu, pe nugui dí resga dí op'a'ihu pa ga yopa ben'ahu 'raya t'øt'e ngu nú'a ya xcá pađihu. Dí øt'a njabu pa ga cumpli nú'a ra 'befi xa 'racagui Ajuá po rá hmąte'a.

16 Ngue'a nu'á bi hñuxcagui pa ga pɛpabi ra Zidada Jesucristo pa ga zo ya ja'i hingyá xodyo, pa ga xipabi'ɥ rá hoga noya Ajuá, pa njabɥ nugui da za ga udi'ɥ ja rá thandi Ajuá ngu 'nara hñá'ti xá nt'axi ngu ri ho'a nú'a xa xɥca ra Măca Ndahi.

17 Hangue po ra Zidada Jesucristo da za ga 'ñets'i de nú'a ra 'bɛfi xa 'racagui Ajuá. 18 Hiní 'ñɛpcagui ga 'ñets'i de nú'a xa 'yøt'a ma'ra pa bi gamfri ya ja'i hingyá xodyo. Pe dí padi gue ra Zidada Jesucristo xa mpɛfi ja ma noya ne ja ma 'bɛfi pa bi gamfri ndunthi de gue'ɥ. 19 Ra Zidada Jesucristo xa 'raca ra ts'ɛdi pa stá øt'a ndunthi ya milagro, ne stá hanpa rá ts'ɛdi ra Măca Ndahi, hangue xa za stá mąnga ra măca hoga t'øde de ra Zidada Jesucristo maxøgue ja gatho ya hai desde Jerusale asta ra hai Ilirico. 20 Hangue njabɥ nugui stá øt'a ra ts'ɛdi pa ga ma ga mąnga ra măca hoga t'øde habɥ hinxa t'ødetho de ra Zidada Jesucristo pa hinga mpɛfi habɥ ya xa mpɛ ma'ra. 21 Guet'a nehe mąnga ra Măca T'ofu ne ena:  
Nú'ɥ hinxqui siptho de Ajuá,  
y nú'ɥ hinhya'mɥ xqui 'yøde, go gue'ɥ ma da 'yøde  
ne da badi.

### *Ra apostol Pablo beni da ma Nroma*

22 Hangue njabɥ astabya hinxa za stá mabɥ. 23 Pe núbya nguetho ya dá juadi ma 'bɛfi ja nuya hnini de guecua, y ngue'a pɛ'tsa ndunthi ya jɛya stá ne ga mabɥ ga tsøñ'ahɥ, 24 hangue dí tø'mi gue 'nitho ga thogui ga tsøñ'ahɥbɥ má 'ñu nu grá ma Spaña, y ga johya ndunthi ga 'bɥi con gue'ahɥ. Nepɥ de gue'a dí tø'mi gue gui nexcaguihɥ de guepɥ pa ga thogui grá ma Spaña. 25 Pe nubyá



ma ga ma pa Jerusale pa ga ha'tsuabi 'nara mfats'i nuya zi cu de guehni. <sup>26</sup> Ngue'a nuya zi cu de guehni Macedonia ne de guecua Acaya co 'nara paha bi unga 'nará mfats'i'ua pa ga ha'tsuabi nuya zi hyoya cu bí 'buhni Jerusale. <sup>27</sup> Nuya cu me Macedonia ne ya cu me Acaya bi beni gue mri 'ñepi'ua da 'yø'tuabi njab'ua, ngue'a nu'á hingyá xodyo ne xqui hñani ra mpøhø po yá noya ya xodyo, hangue rí 'ñepi'ua da maxa ya xodyo nehe co ya hño de ra ximhai. <sup>28</sup> Hangue nu xcrá juadi ga pε nuna 'bεfina pa ga tsocuabi nuna mfats'i ya cu me Jerusale, ja grá thopua ga tsøñ'ahua má 'ñu nu xcrá ma Spaña. <sup>29</sup> Y dí paði gue nú'bua xcrá tsøñ'a'ihua, ra Zidada Jesucristo ma da jap'a'ihua ndunthi ngue'a ma ga zo'ahua de rá noya'a.

<sup>30</sup> Nubyá, zi cuhua, dí bante'ihua de rá thuhu ma Zidadahua ra Jesucristo y po rá hmate ra Maça Ndañi ri 'racua 'na ngu ma'na, gue gatho'ihua gui faxcaguihua gui 'yaphua Ajuá por guequi. <sup>31</sup> 'Yaphua Ajuá pa nu'á da ñangagui de ya me Judea nú'ua hingyá gamfri, gue ya zi cu nuni Jerusale da hñani co 'nara johya nura mfats'i ma ga tsocuabi, <sup>32</sup> pa njabua 'bua gue'a rá paha Ajuá ga tsøñ'a'ihua co 'nara johya, ne ga tsaya ts'ua con gue'ahua. <sup>33</sup> Ajuá nú'a faxcahua pa ga 'buhua te rá entho, dá 'mua con gatho'ihua. Njabua gue'a.

## 16

### *Ya nzenjua*

<sup>1</sup> Ra Febe go gue'a 'nara hoga nju, ne ja rá nsu, ngue'a gue'a 'nara maste de ya gamfri me Cencrea. <sup>2</sup> Hangue umfua ntsaya co ra t'equ'ei ja ri

hmunts'ih<sub>u</sub>, ngu rí 'ñep'a'ih<sub>u</sub> nú'ah<sub>u</sub> gyá gamfrih<sub>u</sub>, y faxh'a de nú'a te da 'yø'tua ra 'bēdi, ngue'a nu'á xa maxa ndunthi ya ja'i y necagui xa maxcagui nehe.

<sup>3</sup> Fat'ajuah<sub>u</sub> ra zi nju Prisila ne ra zi cu Aquila. Nu'ú xi bi maxcagui ndunthi ja rá 'bēfi ra Zidada Jesucristo. <sup>4</sup> Nu'ú mi resga da unga yá te por guequi, hangue hingo sehēgui dí jamadibi'ū, ne gatho nú'ū ya cu hingyá xodyo nehe'ū ri jamadibi'ū. <sup>5</sup> Fat'ajuah<sub>u</sub> nehe nuya zi cu ri munts'a ja rá ngu nú'a ra nju Prisila y ra cu Aquila. Fat'ajuah<sub>u</sub> nehe ma hmāca cuh<sub>u</sub> ra Epeneto, nú'á go gue'a ra mēdi bi gamfri ra Zidada Jesucristo nuua Acaya. <sup>6</sup> Fat'ajuah<sub>u</sub> ra nju Mala, nú'á xi xa max'a'ih<sub>u</sub> ndunthi. <sup>7</sup> Fat'ajuah<sub>u</sub> ra cu Andronico y ra cu Junio, nú'ú go gue'ū mengu ma hai, nehe go gue'ū ndí o'be fadi mahyēgui'ū. Nu'ú ja yá nsu ja ya apostol, nehe gue'ū 'mēt'o bi gamfri ra Zidada Jesucristo que guequi.

<sup>8</sup> Nehe fat'ajuah<sub>u</sub> ra Amplia numa hmāca cu ja ra jamfri. <sup>9</sup> Nehe fat'ajuah<sub>u</sub> ra cu Banu nú'a ma mfats'i ja rá 'bēfi ra Zidada Jesucristo, nehe ma hmāca cu ra Estaqui. <sup>10</sup> Fat'ajuah<sub>u</sub> ra cu Apele, nú'á xa bōni 'nara hoga gamfri de ra Zidada Jesucristo. Ne fat'ajuah<sub>u</sub> nú'ū ya cu ya mengu rá ngu ra cu Aristobulo. <sup>11</sup> Fat'ajuah<sub>u</sub> nehe ra cu Erodio, nú'a mengu ma hai. Nehe fat'ajuah<sub>u</sub> nú'ū 'b<sub>u</sub> ja rá ngu ra cu Ciso nú'ū xa gamfri ra Zidada. <sup>12</sup> Nehe fat'ajuah<sub>u</sub> ma zi njuh<sub>u</sub> ra Trifena y ra Trifosa, nú'ú ri mpefi ja rá 'bēfi ra Zidada, nehe ma zi njuh<sub>u</sub> ra Persida, nú'á xa mpefi ndunthi ja rá 'bēfi ra Zidada. <sup>13</sup> Nehe fat'ajuah<sub>u</sub> ra Rufo

nú'a xi ra hoga cu ja ra jamfri; nehe fat'ajuahubú rá nana'a, nú'a dí øt'a ra uenda gue ma nana nehe. <sup>14</sup> Nehe fat'ajuahubú ra cu Asíncrito y ra cu Flegonte, y ra cu Erma, y ra cu Patroba, y ra cu Erme, y nehe nuya zi cu 'bui con gue'u. <sup>15</sup> Nehe fat'ajuahubú ra cu Filologo y ra nju Julia, y ra cu Nereo ne rá nju'a, y ra cu Olimpa, y nehe gatho ya zi cu nú'u 'bui con gue'u.

<sup>16</sup> Nehe fat'ajuahubú gatho nú'u ma'ra ya cu co 'nara nthúfi dega hmáte. Ri fat'ajuá'ihú gatho yá nijá ra Zidada Jesucristo.

<sup>17</sup> Nehe dí bante'ihú zi cuhú, gue gui thamfrihú ndunthi de nú'u ne da heca ya cu y japi'u da 'yøt'a ya ts'oqui. Nu'ú hingui udi ngu nú'a ya xa t'u't'ahú, hangue 'ueguehú de gue'u. <sup>18</sup> Nuya já'i'u ri mpefi hõnsɛ pa yá hñosɛ'u; hingue pɛpabi ma zi Hmuhú ra Jesucristo. Nu'ú mǎnga 'raya noya xi ri nt'øde gue xi xá hño, pe hina, hingo gue'a majuani. Nu'ú hat'a nuya zi já'i hinte yá fadi. <sup>19</sup> Gatho ya já'i padi gue xi gyá hoga 'yødehú, hangue njabú nugui xi drí johya de gue'ahú. Pe nehe, nu'a dí ne, dí ne gue da nja ri mfadihú pa gui 'yøthú ra hño, hingue pa gui 'yøthú ra 'ñú. <sup>20</sup> Y Ajuá nú'a to'o faxcahú pa ga 'buhú te rá entho, go gue'a da 'yøt'e 'bestho pa gui ntátehú de ra ts'ondahi. Ma Zidadahú ra Jesucristo da max'a'ihú co rá hmáte'a.

<sup>21</sup> Nehe fat'ajuá'ihú ma mfats'i ra cu Timu, nehe fat'ajuá'ihú ra cu Lucio, ra cu Jaso y ra cu Sosipate nú'u ya mengu ma hai.

<sup>22</sup> Nugui drá Tercio, dí ofo nuna cartana, dí fat'ajuá'ihú de rá thuhu ra Zidada Jesucristo.

<sup>23</sup> Nehe ra cu Gayo pɛhna'ihɯ ra nzenjua, nú'a to'o xa 'raca nɛqui ja rá ngu. Nehe xa umba nɛqui gatho ya cu pa ja ri munts'iuu. Nehe fat'ajua'ihɯ ra cu Erasto, nú'á go gue'a ra mɛ'tsboja de ra hnini. Nehe fat'ajua'ihɯ ra cu Cuarto.

<sup>24</sup> Ma Zidadahɯ ra Jesucristo da max'a'ihɯ gatho'ihɯ co rá hmɛte'a. Njabɯ gue'a.

*'Nara sɔcambeni bi 'yɔt'a ra apostol Pablo nu mi uadi rá carta*

<sup>25</sup> Drá nsunda Ajuu nú'a ja rá ts'edi pa da ja'ahɯ gui zɛ ri jamfrihɯ ngu nú'a ri udi ra maça hoga noya dí ma. Y nuna ra maça hoga noyaná go gue'a ra maça noya nú'a hmambya de ra Zidada Jesucristo. Y por nuna noyaná Ajuu bi 'ñutcahɯ nú'a xqui beni'a desde rá mɛdi ne xqui mɛ'tsa nt'agui, gue da unga ra mpøhø pa ya ja'i ja gatho ya hai. <sup>26</sup> Y nubyá po ra maça hoga noya dí ma, ya xa 'ñutcahɯ Ajuu nú'a xqui beni. Nehe njabɯ bi 'yofo maya'bu ja yá t'ofó yá 'mɛhni Ajuu nú'u bi 'yofo gue da mpøhø ya ja'i hingyá xodyo. Ngue'a Ajuu nú'a 'bɛi pa nzantho xa manda da ts'ofó ya ja'i ja gatho ya hai pa da gamfri'ɯ ne da 'yøte'a.

<sup>27</sup> ¡Ajuu go guesɛ'a ja rá mfadi, ga nsundahɯ pa nzantho po ra Zidada Jesucristo! Njabɯ gue'a.

**Ra 'Ra'yo Testamento  
New Testament in Otomi, Mezquital (MX:ote:Otomi,  
Mezquital)**

copyright © 2008 Wycliffe Bible Translators, Inc.

Language: Otomi, Mezquital

Translation by: Wycliffe Bible Translators, Inc.

Otomi, Mezquital

ote

Mexico

**Copyright Information**

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Otomi, Mezquital

**© 2008, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 4 Mar 2023 from source files dated 29 Jan 2022

c6437f19-566b-5232-8b2a-5c88e5a5622b